

বেনামী বন্দর

প্রেমেন্দ্র মিত্র

ডি, এম, লাইব্রেরী

৬১, কর্ণওয়ালিস স্ট্রীট, কলিকাতা

প্রকাশক
শ্রীগোপালদাস মজুমদার
ডি, এম, লাইব্রেরী
৬১, বর্গওয়ালিস ষ্ট্রাট, কলিকাতা

প্রথম সংস্করণ ১৩৩৭, শ্রাবণ

প্রিন্টার—শ্রীঅশুতোষ চ
“বি, পি, এমস্
মূল্য—১।০
২২।৫ বি, বামাপুকুর লেন,

স্বক নৃপেন্দ্রকৃষ্ণকে দিলাম

—শ্রেনেল মিত্র ।

অচিন্ত্যকুমার সেনগুপ্তের আকস্মিক (উপন্যাস)	২১
অমাবস্যা (কবিতা)	১১০
শচীন্দ্রলাল রায়ের—রক্তের সম্বন্ধ	১১
শচীন্দ্র নাথ সেনগুপ্তের—গৈরিক পতাকা (নাটক)	১১০
নজরুল ইসলামের—মৃত্যু ক্ষুধা (উপন্যাস)	২১০
ঝিলিমিলি (নাটক)	১১
বিভূতিভূষণ বন্দ্যোপাধ্যায়—পথের পাঁচালী	৩১
সজনীকান্ত দাসের—অজয় (উপন্যাস)	২১
পথ চলতে ঘাসের ফুল	১১

ডি, এম, লাইব্রেরী

৬১, কর্ণওয়ালিস ষ্ট্রীট, কলিকাতা।

বেনামী বন্দর

শুধু কেরানী

তখন পাখীদের নীড় বাঁধবার সময়। চঞ্চল পাখীগুলো খড়ের কুটি, ছেঁড়া পালক, শুকনো ডাল, মুখে করে' উৎকণ্ঠিত হ'য়ে ফিরছে।

তাঁদের বিয়ে হ'ল।—ছটি নেহাৎ সাদাসিধে ছেলে মেয়ের।

ছেলেটি মার্চেন্ট আফিসের কেরানী—বছরের পর বছর ধরে' বড় বড় বাঁধান খাতায় গোটা গোটা স্পষ্ট অক্ষরে আমদানি-রপ্তানির হিসাব লেখে। মেয়েটি শুধু একটি শ্রামবর্ণ সাধারণ গরীব গৃহস্থ' ঘরের মেয়ে—সলজ্জ সহিষ্ণু মমতাময়ী।

আফ্রিকা জুড়ে' কালো কাফ্রী জাতের উদ্বোধন-ছস্কারে শাদা বরফের দেশের আকাশ কেমন করে' শিউরে উঠছে সে খবর তারা রাখে না। হলুদবরণ বিপুল মৃতপ্রতিম জাতি একটা কোথায় কবরের চাদর ছুঁড়ে ফেলে' খাড়া হ'য়ে দাঁড়িয়েছে তাজা রক্তের প্রমাণ দিতে, সে খোঁজ রাখবার তাদের দরকার হয় না।

তারা বাংলার নগণ্য একটি কেরানী আর কেরানীর কিশোরী-বধু।

বেনামী বন্দর

আসন্ন-যৌবনা মেয়েটি স্বজন-হীন স্বামীর ঘরে এসে গৃহিনী হ'ল।
প্রেমের কবিতা তারা লেখে না, পড়বার কুরসং বা স্মৃতিধাও
বড় নেই। ছুজনে ছু-জনকে সম্বোধন করতে নবনব কল্পনা-লোকের
সম্ভাষণ চয়ন করে না। শুধু এ ওকে বলে—“ওগো”।

সকাল বেলা স্বামীকে খাইয়ে-দাইয়ে হাতে পানের ডিবেটি
দিয়ে দরজা পর্য্যন্ত এগিয়ে দিয়ে মেয়েটি একটি দরজার আড়াল
থেকে ঈষৎ মুখ বার করে' সলজ্জ একটু ককণ হাসি হাসে ;—
ছেলেটিও ফিরে' চেয়ে হাসে। কোন দিন বা মেয়েটি বলে মুহু-
মধুরস্বরে—“ওগো তাড়াতাড়ি এসো, কালকের মতো দেরী কোরো
না।” ছেলেটি হয়ত অনুযোগের স্বরে বলে—“বাঃ! কাল ত মোটে
আধঘণ্টা দেরী হয়েছিল ; বল্লুম ত রাস্তায় ট্রামের তার খারাপ
হ'য়ে গিয়েছিল বলে'ই.....একটু দেরী হ'লেই বুঝি অমনি অস্থির
হ'য়ে উঠতে হয় ?.....” মেয়েটি লজ্জিত হ'য়ে বলে—“হ্যাঁ আমি
বুঝি অস্থির হই !”

সন্ধ্যায় দরজায় একটি টোকা পড়তে না পড়তেই ছুটি উৎসুক
হাতে দরজাটি খুলে' বার ; সারাদিনের পরিশ্রমশ্রান্ত ছেলেটি
দীর্ঘে দীর্ঘে গিয়ে পরিচ্ছন্ন বিছানায় একটু বসে আপত্তি করে' বলে
—“না 'গো' তোমায় জুতোর ফিতে খুলে' দিতে হ'বে না।”
মেয়েটি প্রতিবাদ করে' বলে—“তা দিলেই বা, তাতে দোষ কি ?”
ছেলেটি একটু রাগ দেখিয়ে বলে—“ওটা কি আমি নিজে পারিনে ?

শুধু কেরাণী

.....“মেয়েটি খুলতে খুলতে বলে—“তা ~~হোক~~—তুমি চুপ করে দেখি।”

ছুটির দিন তাদের আসে। সেদিন একটু ভালো খাবার-দাবারের আয়োজন হয়, কোন দিন ছুটি একটি বন্ধু আসে নিমন্ত্রিত হ’য়ে। মেয়েটি সলজ্জ-সঙ্কোচে আপাদমস্তক অবগুষ্ঠিতা হ’য়ে পরিবেশণ করে। সে-দিন বিছানায় আলস্তে হেলান দিয়ে গল্প করবার ছপুর। জ্ঞানাভিমানহীন কেরাণী আর কেরাণী-প্রিয়ার সাধারণ অনিন্দ-আলাপ। জটিল তর্কের তরুণ সমস্তার গোলক-ধাঁপায় তারা ঘুরে’ ঘুরে’ হায়রান্ হয় না, সহজেই সে-সব গীমাংসা করে’ ফেলে। মেয়েটি হয়ত জিজ্ঞাসা করে—“আচ্ছা, মশা মারলে পাপ হয় ত?” ছেলেটি হয়ত বলে—“নিশ্চয়ই; আর মেরো না।” মেয়েটি বলে—“বেশ! কিন্তু রোজ যে মাছগুলো মেরে খাও, পাঁঠার মাংস খাও, তার বেলা?” ছেলেটি একটু বিব্রত হ’য়ে বলে—“বাঃ! ও যে আমাদের আহার। বা আমাদের আহ্বারের তা খেলে কি পাপ হয়?—তা হ’লে ভগবান্ আমাদের আহার দেবেন, কেন?” মেয়েটি বলে—“ও—” মেয়েটি হয়ত বলে—“ওদের বাড়ীর বোরা কাল

বেনামী বন্দর

বেড়াতে এসেছিল, ওরা বলছিল কোন্ গণৎকার নাকি গুণে' বলেছে আর দশ দিন বাদে পৃথিবীটা চুরমার হ'য়ে যাবে একটা ধুমকেতুর সঙ্গে ধাক্কা লেগে,—সত্যি?" ছেলেটি হেসে বলে—
“মেয়েদের যেমন সব আজগুबी কথা! চুরমার হ'য়ে গেলেই হ'ল কিনা!” মেয়েটি গম্ভীর হ'য়ে বলে—“আমিও বিশ্বাস করিনি আর একবারও ত অম্মি গুজব উঠেছিল, তখন আমাদের বিয়ে হয়নি।”
এমনিতর তাদের ছুটির আনন্দ-গুঞ্জন।

একদিন ছেলেটি ট্রামের পয়সা বাঁচিয়ে হেঁটে এল। সেই পয়সায় রাস্তার মোড়ে একটি গোড়ের মালা কিনলে। ঘরে এসে হঠাৎ মেয়েটির খোঁপায় জড়িয়ে দিয়ে বললে—“বল দেখি কেনন গন্ধ?” মেয়েটি বিস্মিত আনন্দে মালাটি দেখতে দেখতে একটু ক্ষুণ্ণস্বরে বললে—“কেন আবার তুমি বাজে পয়সা খরচ করতে গেলে বল ত?” ছেলেটি বললে—“বাজে পয়সা খরচ বুঝি! ট্রামের পয়সা আজ বাঁচিয়ে তাইতে কিনেছি।” এবার মেয়েটি সত্যি রেগে বললে—“এই ছাই ফুলের মালা কেনবার জন্যে তুমি এই পথটা হেঁটে এলে? যাও, চাইনে আমি তোমার ফুলের মালা!”

শুধু কেরাণী

ছেলেটি ক্ষুব্ধে বললে—“বাঃ—অমনি রাগ হ’য়ে গেল, সব কথা আগে শুনলে না কিছু না, অমনি রাগ ! আজ আফিসে বড্ড মাথাটা পরেছিল, ভাবলুম মাঠের ভিতর দিয়ে হাওয়ায় হেঁটে গেলে ছেড়ে যাবে,—তার উপর সকাল-সকাল ছুটি হ’ল ; একি এতই অগ্নায় হ’য়ে গেছে ? বেশ যা হোক !” মেয়েটি একটু কাতর হ’য়ে বললে—“আমি রাগ করলুম কোথায় ? তুমি মিছি-মিছি ফুলের মালা কেনবার জন্তে হেঁটে এসেছ ভেবে—”। ছেলেটি বললে—“দাও, ফুলের মালাটা ফেলে দাও, তা হ’লে”—এবার হেসে মেয়েটি পরম আনন্দে ফুলের মালাটি খোঁপায় জড়াতে জড়াতে বললে—হঁ—ফেলে দিচ্ছি এই যে ! বাবা ! একটা ভাল কথা যদি তোমায় বলবার জো আছে।”

একদিন একটু বেশী জ্বর হ’ল মেয়েটির। তার পর দিন আরো বাড়ল। তার পর দিনও কমল না। আফিস যাবার সময় উৎকণ্ঠিত হ’য়ে ছেলেটি বললে—“এখানে এগন করে’ কি করে’ চলবে। দেখবার একটা লোক নেই,—এই বেলা তোমার বাপের বাড়ী যাবার বন্দোবস্ত করি।” মেয়েটি বললে—“না না, ও

বেনামী বন্দর

কালকেই সেরে যাবে...তুমি আফিস যাও, ভাবতে হবে না।” ছেলেটি উদ্বিগ্নহৃদয়ে কাজে গেল উপায় ভাবতে ভাবতে। তার পর দিনও জর বাড়ল দেখে, বললে—“না, আমার আর সাতস হচ্ছে না। আমি সমস্ত দিন আফিসে থাকি, জর বাড়লে কে তোমায় দেখে! তোমায় রেখে আসি চল ওখানে।” মেয়েটি করুণ-চোখে তার দিকে চেয়ে রইল, তার পর মুখ ফিরিয়ে বললে—“আমার সেখানে ভাল লাগে না”

জরের মধ্যে রাঁধারাঁধি নিয়ে ছ’জনের রাগারাগি হয়। মেয়েটি বলে “আমি খুব পারব—তোমার না খেয়ে আফিস যাওয়া হবে না।” ছেলেটি বলে—“তুমি পারলেও আমি রাঁধতে দেব না। আমি না হয় হোটেলে খাব।” মেয়েটি বলে—হ্যাঁ, ভদ্রলোকে বুঝি হোটেলে খেতে পারে!” ছেলেটি বলে—“দরকার হ’লে সব পারে।” মেয়েটি তবু বলে—“তোমার এখনো ত দরকার হয়নি।”

তার পর জোর ক’রে, মেয়েটি রাঁধতে যায়। ছেলেটি এবার খুব রাগ করে, ভীষণ এক দিব্যি দিয়ে বলে “যে আজ রাঁধবে সে আমার মরা মুখ দেখবে।” মেয়েটি দিব্যি শুনে স্তম্ভিত হ’য়ে বিছানায় গুয়ে ফাঁদতে থাকে। ছেলেটি অনুতপ্ত হ’য়ে মাথায় হাত বুলিয়ে শাস্ত করবার চেষ্টায় বলতে থাকে—“তুমি অবুঝের মত জেদ করলে তাই না আমি দিব্যি দিলুম ; লক্ষ্মীটি, রাগ কোরো না। আচ্ছা

শুধু কেরাণী

ভেবে দেখ দেখি আগুন-তাতে রেঁধে যদি তোমার জ্বর বেশী বাড়ে
তখন ত আমারই কষ্ট বাড়বে। এখন ত একদিন রান্না পাচ্চিনে
তখন ত কতাদন পাব না...সে ত আমারই কষ্ট...তুমি ভালে
হ'য়ে যত খুঁসি রেঁধো না, আমি কি বারণ করছি...মেয়েটি
বলে—“বেশ ত খুব হয়েছে, দিবা দিয়েছ—আমি ত আর
রাধতে যাচ্চিনে...” ছেলেটি আরো অন্ততপ্ত হ'য়ে বোঝাতে
থাকে।

সেবারে জ্বর আপনা থেকেই ধীরে ধীরে সেরে' গেল।

তাদের রাগা রাগির পালাও এমনি করে' সমাপ্ত হ'ল।

নতুন নীড়ে তখন অচেনা অতিথির সমাগম হয়েছে। একটা
থোকা।

কিন্তু মেয়েটির আর বাপের বাড়ী থেকে আসা হ'য়ে উঠে
না। অসুখ আর সারতে চায় না, বাপ-মাও অসুখ-সুস্থ মেয়েকে
ছেড়ে দিতে রাজি হয় না। ডাক্তার-ধাত্রী বলে—“স্মৃতিকা”।

ছেলেটি বন্ধুদের কাছে উৎকণ্ঠিত হ'য়ে জিজ্ঞাসা করে' বেড়ায়
—“হ্যাঁ ভাই স্মৃতিকা হ'লে কি বাঁচে না?”

বেনামী বন্দর

মেয়েটি দিন দিন আরো কাহিল হ'য়ে যেতে লাগল—বিছানা থেকে আর ওঠ বার ক্ষমতা রইল না ক্রমে।

ছেলেটি রোজ আফিসে দেরি হবার জন্তে বকুনি খায়। হিসাব-ভুলের জন্তে তাড়া খায়।

কিন্তু তারা সৃষ্টির বিরুদ্ধে, ভগবানের বিরুদ্ধে এই অকারণ উৎপীড়নের জন্তে বিদ্রোহী হ'য়ে উঠতে জানে না। নির্দোষের উপর এই অত্যাচারে, বিধাতার পক্ষপাতিত্বে ক্ষিপ্ত হ'য়ে অভিশাপ দেয় না সংসারকে। মানুষের কাছে তারা মাথা নীচু করে' চলে,—বিধাতার কাছেও।

মেয়েটি কোনো দিন স্বামীকে একলা কাছে পেয়ে, করুণ কাতর চোখে তার মুখের দিকে চেয়ে বলে—“হ্যাঁ গা, আমি বাঁচব না?”

ছেলেটি জোর করে' বুক-কাঁটা হাসি হেসে বলে—“কি যে পাগলের মত বল তার ঠিক নেই। বাঁচবে না কেন, কি হয়েছে তোমার?”

মেয়েটি চোখ নামিয়ে মৃদুস্বরে বলে—“আমি মরতে চাইনে মিছতেই।”

ছেলেটি আবার হেসে বলে—“ওসব আজগুबी কথা কোথায় পাও বল ত?”

একটা হাসি আছে—কান্নার চেয়ে নিদারুণ, কান্নার চেয়ে জংপিণ্ড-নেংড়ান।

শুধু কেরাণী

রোগ কিন্তু ক্রমশঃ বেড়েই চলল। মেয়েটি আর স্বামীর কাছে জিজ্ঞাসা করে না—“হ্যাঁ, গা আমি বাঁচব না?” বরঞ্চ তার সামনে প্রকুল মুখ দেখিয়ে হাসতে চেষ্টা করে বলে—তুমি ভাবছ কেন, আমি ত শীগ্গিরই সেরে উঠছি।” তারপর ঘরকন্না পাতবার নব-নব কল্লনার গল্প করে, কেমন করে ছেলে মানুষ করবে তার নাম কি রাখবে এইসব। ছেলেটিও তার শিয়রে বসে করুণ হেসে তার শীর্ণ হাতটি নিজের হাতে নিয়ে স্তব্ধ হ’য়ে শোনে। মেয়েটি বলে—“তুমি ভেবে ভেবে মন খারাপ কোরো না, আমি ঠিক সেরে উঠব।” ছেলেটি বলে—“কই আমি ভাবিনে ত! সেরে উঠবে না ত কি, নিশ্চয়ই উঠবে।” কিন্তু তারা বুঝতে পারে এছলনা দু’জনের কারুরই বুঝতে বাকী নেই। তবু তারা পরস্পরকে সাধুনা দিতে এই করুণ ছলনার নিষ্ঠুর মস্মাস্তিক অভিনয় করে। তার পর লুকিয়ে কাঁদে।

তবু ছেলেটিকে নিত্যনিয়মিত অফিস যেতে হয়। বড় বড় বাঁধান খাতাগুলোর নিভুল গোটা-গোটা অক্ষরগুলো নির্বিকার-ভাবে চেয়ে থাকে। তেমনি হিসাবের পর হিসাব নকল করতে হয়।

তাড়াতাড়ি ঘরে ফেরবার জন্তে প্রাণ আকুল হ’য়ে উঠলেও

বেনামী বন্দর

ছেলেটি হেঁটে আসে ট্রামের পরসী বাঁচিয়ে ফুগের মালা কেন্‌বার জন্তে নয়, অস্থূপের থরচ জোগাতে ।

কোনো সময় হয়ত একবারটি মনে হয় যদি সে এমন গরীব না হ'ত, আরো ভালো করে' ডাক্তার দেখিয়ে আর একটু চেষ্টা করে' দেখত ।

শুধু সেদিন জ্ঞান হারাবার আগে মেয়েটি একটিবারের জন্তে এতদিনকার মিত্যা করণ ছিলনা ভেঙে দিয়ে কেঁদে ফেলে বললে —“আমি মরতে চাইনি,—ভগবানের কাছে রাতদিন কেঁদে জীবন শিক্ষা চেয়েছি, কিন্তু—”

সব ফুরিয়ে গেল ।

তখন কাল-বোশেখীর উন্মত্ত মসীবরণ আকাশে নীড়ভাঙার গীহোৎসব লেগেছে ।

—

‘পুন্য-’

‘পুল্লাম—’

অসুখ আর কিছুতেই সারে না।

কাশি সর্দি সারে ত থোসে সর্কাঙ্গ ছেয়ে বায়, থোস গিয়ে
লিভার ওঠে ঠেলে—তারপর গ্ৰাবায় ধরে। চার বছরের
ছেলেটাকে নিয়ে যমে-মানুষে টানাটানি চলেছে ত চলেইছে।

পাঁকাটির মত সব চারটে হাত পা নড়বড় করে, ফ্যাকাসে
হলুদবরণ মুখে কাতর অসহায় চোখ দুটি শুধু জুল-জুল করে—সে
চোখে বিশ্বের সকল ক্লান্তি, সকল অবসাদ, সমস্ত বিরক্তি যেন
মাথান।

শিশুর চোখ সে নয়—জীবনের সমস্ত বিরস বিশ্বাদ পাত্রে
চুমুক দিয়ে তিক্তমুখে কোন বৃদ্ধ যেন সে চোখকে আশ্রয় করেছে।
শুধু ওই অসহায় কাতরতাটুকু শিশুর।

সারাদিন কান্না আর অগ্নায় বায়না। ছবিও এক এক সম্মত
আর পারে না। হঠাৎ পিঠে এক থাবড় মেরে বলে, “মর না, মরলে
যে হাড় জুড়োয় আমার।”

শিশু আরো জোরে নিশীথ গগন বিদীর্ণ করবার আয়োজন
করে। পাশের বিছানায় ললিত একবার পাশ ফিরে শোয়, একটু

বেনামী বন্দর

ছটফট করে কিন্তু কিছু বলে না। আগে অনেকবার জ্বীকে সে এই নিয়ে ধমকেছে। ছজনের এই নিয়ে ঝগড়াও হয়েছে। কিন্তু আজকাল আর কিছু বলতে পারে না। ছবির এই আকস্মিক অসহিষ্ণুতার পেছনে কি বিপুল বেদনা, হতাশা ও ক্রান্তির ভার যে আছে তা সে বোঝে। কিন্তু তবু বুকটা যেন টন্টন্ করে ওঠে।

কিন্তু উপায় নেই। ডকের মাল-তোলা ও নাবানর সামান্য সরকার। জাহাজ ডকে ভিড়লে তবে ছপয়সা আসে। নইলে নিছক বসে থাকা ছাড়া উপায় নেই। মাসে বা আর হয় তাতে মন্দির ঋণ শোধাই চলে না, তা ডাক্তার। কিন্তু তবু সে কোন ক্রটি রাখেনি।

শিশু আকাশ ফাটিয়ে চীংকার করে—সে চীংকার আর থামতে চায় না। সে চীংকারে বেদনা নেই—আছে শুধু যেন সমস্ত পৃথিবীর বিরুদ্ধে বিদ্রোহ।

ছবি রাগের মাথায় চাপড় মেরে ফেলে সন্তপ্ত হয়ে নানা রকম করে ভোলাতে চেষ্টা করে। ভীতভাবে স্বামীর বিছানার দিকে চেয়ে বোঝবার চেষ্টা করে স্বামীর অসময়ে নিদ্রার ব্যাঘাত হল কিনা। নিজের ছুচোখ সারাদিনের পরিশ্রমে ক্রান্তিতে ঘুমে জড়িয়ে আসে। কিন্তু শিশু কিছুতেই থামে না। আদর নয়, খেলনা নয়, খাবার নয়, কিছু সে চায় না। শুধু তার অন্তরের

‘পুন্নাম—’

অসীম বিদ্রোহ কান্নার আকারে উথলে উথলে ওঠে। কান্না নয়—
সে সৃষ্টির প্রতি অভিষাপ !

ললিত ঘুমের ভাণ করে পড়ে থাকে আর ভাবে হয়ত।

জীবনের অন্ধ নিষ্ঠুরতার কথা ভাবে না, নিজের বিপুল
ব্যর্থতার কথা ভাবে না—দার্শনিক তত্ত্ব মীমাংসা করবার চেষ্টা
করে না—ভাবের শুধু ডাক্তার বলেছে, ও ছেলেকে চেপ্তে নিয়ে না
গেলে চলবে না—কিন্তু সে কেমন করে সম্ভব !

শুনতে পায় ছবি কি কাতর ভাবে কতরকম আদর করে
শিশুকে ভোলাবার চেষ্টা করছে।

“লখখি বাবা আমার কাঁদে না ; কান তোমাকে একটা লাল
মটর গাড়ি কিনে দেব, তুমি বসে বসে চালাবে—”

শিশুর সেই একঘেয়ে অশ্রান্ত চীৎকার—“কেন তুমি আমায়
মারলে—”

ছবি আবার আদর করে কোলে নেবার চেষ্টা করে—“শোন
না ; তুমি মটর গাড়িতে বসে ভেঁা ভেঁা করে হর্ন বাজাবে।”

শিশু হাত-পা ছুঁড়ে মাকে ঠেলে দিয়ে—সেই একঘেয়ে স্মর
ধরে থাকে—“কেন তুমি আমায় মারলে ?—”

হঠাৎ ললিতের মনে হয় সমস্ত ব্যাপারটা যেন অত্যন্ত হাশ্বকর
—পরিণত মনের এই শিশু সৈজে তাকে ভোলাবার চেষ্টা, শিশুর এই
মৃদু স্বার্থপরতা এর চেয়ে বিসদৃশ যেন আর কিছু হতে পারে না।

বেনামী বন্দর

পরক্ষণেই সে নিজের এই মনে হওয়ার জন্তে অত্যন্ত নজ্জিত হয়ে ওঠে। লণ্ঠনের আলোয় ছবির সারাদিনের পরিশ্রমে ক্লান্ত শুষ্কমুখ, নিদ্রাবঞ্চিত কাতর ছুটি চোখ দেখতে পায়। মনের এই অসঙ্গত আচরণে নিজের ওপরই তার রাগ হয়।

তাদের দিকে পেছন ফিরে লক্ষ্যহীন ভাবে সে সামনের দেয়ালের দিকে চেয়ে আবার ভাবতে শুরু করে,—বিশৃঙ্খল অসঙ্গত ভাবনা।

না, বিয়ে করে সে অন্তায় কিছু করেনি। করেছে কি? না কথখনো না! ভগ্নিপতির বাড়িতে আশ্রিত হয়ে থেকে সামান্য পড়াশুনা শেষ করেই তাকে কাজে ঢুকতে হয়েছে, ভগ্নিপতির আশ্রয়দানের ঋণশোধ করতে। বিয়ে ত সে করবে নাই ঠিক করেছিল। আর সেজন্তে কারুর কোন চাড়া ছিল বলেও বোধ হয় না। বাংলা দেশের পুরুষ সাধারণতঃ যে বয়সে বিয়ে করে তা পেরিয়ে যাবার পরও তার সঙ্কল্প অটুট ছিল কিন্তু টেলেনি এমন কথা বলা যায় না। মনে মনে যেন একটা বিপুল অতৃপ্তি দিন রাত তাকে পীড়া দিয়েছে। বিয়ে,—পরিপূর্ণ জীবন, নারীর সাহচর্য্য, একটি একান্ত নিজস্ব সংসার রচনার আনন্দ, অস্পষ্টভাবে এই সমস্তর জন্ত ক্ষুধা তার অন্তরকে ব্যথিত করেছে। চির-কৌমার্য্যের গোরবে মন তার কোনদিন উল্লসিত হয়ে আত্মপ্রসাদ লাভ করেনি, কেরলি অস্পষ্টভাবে মনে* হয়েছে এই একক জীবন ব্যর্থ, পঙ্গু। দারিদ্র্যের কথা সে ভাবেনি এমন নয়, কিন্তু মন

‘পুন্মাম—’

তার বারবার বিদ্রোহ করে বলেছে মানুষের দেওয়া দারিদ্র্যের জন্তে
জীবনকে নিষ্ফল করে রাখবার কোন অধিকার তার নেই।

চিন্তার ফাঁকে ফাঁকে গুনতে পায় শিশু সেই এক গৌঁ ধরে
চীৎকার করছে “কেন তুমি আমায় মারলে!”

কিন্তু কোথায় চেঞ্জ নিয়ে যাওয়া যায়! ললিত সম্ভব অসম্ভব
অনেক জায়গার কথা ভাবে। টাকারও দরকার। ছবির গয়নার
আর কিছু নেই, শুধু ছগাছি বালা—হাতে থাকলে ক্ষয়ে যাবার ভয়ে
তোলা আছে। তার দাম কতই বা হবে! বড় জোর এক শ
টাকা। তাই নিয়ে কোথায়ইবা চেঞ্জ যাওয়া যায় এবং কদিনই
বা থাকা যায়। এসব ব্যাপার সম্বন্ধে সে সম্পূর্ণ অজ্ঞ।

কিন্তু শিশুর চীৎকার যে কিছুতেই থামতে চায় না। ললিত
হঠাৎ উঠে বসে। ছবি একেবারে অবসন্ন হয়ে পড়ে’ ওই
চীৎকারের মাঝেই বসে বসে একটু ঢুলছিল। ললিতের ওঠার
শব্দে সে চম্কে সজাগ হয়ে ওঠে; তারপর কান্নার ওপরেই
ছেলেটার পিঠে সজোরে চাপড় মেরে বলে, “হোল ত! সকলের
ঘুম ভাঙালে ত—কোথা থেকে এমন রাফস এসেছিল আমার
পেটে।”

ললিত এবার ব্যথিত হয়ে বলে, “আঃ, আবার মার কেন?”

“না মারবে না! রাত দুপুরে ডাকাত-পড়া চীৎকার করে পাড়া
শুদ্ধ লোকের ঘুম ভাঙালে গা!”

বেনামী বন্দর

‘অস্থখে ভুগে ভুগেই না। অমন থিট্‌থিটে হয়েছে’ বলে ললিত শিশুকে কোলে নেবার চেষ্টা করে। শিশু কিছুতেই কোলে আসতে চায় না। সজোরে ছবির আঁচল মুঠিতে চেপে ধরে আরো জোরে চীৎকার শুরু করে।

ঝট্কা দিয়ে আঁচল ছাড়িয়ে নিয়ে ছবি উঠে দাঁড়ায়, বলে, ‘তা মরুক না! মরলে যে বাঁচি।’

“ছিঃ, কি বলছ ছবি!”

এবার ছবি কেঁদে ফেলে, অশ্রুধ্বস্ত কণ্ঠে বলে, “বল্‌ব আবার কি! ও যে বাঁচতে আসেনি সে কি আর আমি বুঝতে পারিনি। এমনি করে ভুগে, ভুগিয়ে, হাড়মাস খাখ্‌ করে ও যাবে।”

ছবি ললিতের দিকে পিছন ফিরে বোধ হয় আঁচলে চোখ মোছে।

শিশু শীর্ণ রক্তহীন হাত বাড়িয়ে ললিতের কোল থেকে ‘মার কাছে যাব’ বলে অশ্রান্তভাবে চীৎকার করে।

‘ডাক্তার ত বলেছে চেঞ্জ নিয়ে গেলেই সারবে,’ ললিতের মুখ থেকে কথাগুলো ঠিক আশ্বাসের সুরে যেন বেরুতে চায় না। ও আশায় সে নিজেই যে বিশ্বাস হারিয়েছে।

ছবি উত্তর দৈব না। ছেলেটাকে স্বামীর কোল থেকে নিয়ে বিছানায় জোর করে গুইয়ে ধমক দিয়ে বলে, “চুপ কর শীগ্‌গীর,

‘পুন্মাম—’

ফের চীৎকার করলে দরজা খুলে ওই রাস্তায় ফেলে দিয়ে আসব।” তারপর নিজে তার পাশে শুয়ে পড়ে স্বামীকে বলে, “তুমি শোওনা গিয়ে। এমন করে সারারাত জাগলে চলবে? সারাদিন আফিসে খাটবে আর সারারাত ছেলের জালায় ছুঁচোখের পাতা এক করতে পারবে না, এমন করলে শরীর টেকে!”

ললিত এসে বিছানায় শুয়ে পড়ে বলে, “তুমি ত একটু ঘুমোতে পেলো না।”

“আমি ত এই শুয়েছি, এইবার ঘুমোব।”

শিশু ঘুমোন তার হয় না। শিশু এবার নতুন বায়না ধরে। একটা বিশেষ নির্দিষ্ট স্থান দেখিয়ে মাকে বলে, “তুমি শুলে কেন? এইখানে বস না।”

নির্দিষ্ট সেই স্থানটিতে ছবিকে বসতেই হবে। ছবি আদর করে, দমক দেয়, মিনতি করে বলে, “লক্ষ্মী বাবা, বড় ঘুম পেয়েছে, একটুখানি শুই, আচ্ছা এই খানটাতে শুচ্ছি—এবার ত হল!” কিন্তু তাতে হয় না। সেই খানটাতে শুলে হবে না, বসতে হবে।

শিশুর সেই এক পণ, “শুলে কেন, এই খানটাতে বস না।”

শুয়ে শুয়ে ললিতের অসহ বোধ হয়। আবার উঠে বসে বলে, “ওকে নিয়ে একটু রাস্তায় বেড়িয়ে আসব?”

ছবি বিরক্ত হয়ে ওঠে, “তুমি আবার উঠলে কেন বল ত?”

“ওর বায়না যে কিছুতেই থামছে না।”

বেনামী বন্দর

“তাই জন্তে রাত ছুপুরে রাস্তায় বেড়াতে যেতে হবে তুমি শোও দেখি।”

ললিত হতাশ হয়ে বিছানায় শুয়ে পড়ে। নিদ্রালস চোখ দুহাতে রগড়ে, নির্দিষ্ট যারগায় বসে ছবি শিশুর বায়না নিবৃত্ত করে।

ললিত স্ত্রীর সে শ্রান্ত অবসন্ন মূর্তির দিকে চাইতে পারে না। পেছন ফিরে শুয়ে মনে মনে চেঞ্জে যাবার টাকা সংগ্রহের অসংখ্য আজগুবি কল্পনা করে।

তারপর কখন বোধ হয় একটু তন্দ্রা আসে। কিন্তু খানিক বাদেই শিশুর চীৎকারে তন্দ্রা ভেঙ্গে যায়। উঠে দেখে, বসে থাকতে থাকতেই কখন আর না পেরে অত্যন্ত আড়ষ্ট ভাবে ছবির মাথাটা কাং হয়ে বিছানায় লুটিয়ে পড়েছে। এবং শিশু পা দিয়ে ঠেলে, হাত ধরে টেনে, নানা প্রকারে তাকে জাগাবার চেষ্টা করে চীৎকার করে কাঁদছে,—“তুমি শুলে কেন! এই থানে বস না।”

অমনি চলে এসেছে দিনের পর দিন, রাতের পর রাত!

টিনের চার্লের একটি বড় বগা, গোলপাতায় ছাওয়া ছোট্ট একটি নীচু রান্না-ঘর আর এক ফালি সরু উঠোন—এই নিয়ে

‘পুন্নাম—’

সংসার। কলতলার পাশে একটা নামহীন বুনো গাছ বেড়ে উঠেছে ; অসময়ে শীতকালে তাতে অপরিচিত অজস্র ফুল ধরে ; তার না আছে গন্ধ, না আছে রূপ। তবু সেইটুকুই শোভা।

ও যেন দীন সংসারের মুখে হতাশার হাসি।

এই ছোট সংসারটির ভেতরেই কিন্তু মানুষের সেই পুরাতন কাহিনীর একটি ক্ষীণ ধারা শ্রান্ত ভাবে বয় দিন থেকে রাতে, রাত হ’তে আবার নতুন দিনে।—মানুষের দৈনন্দিন জীবন-যাত্রার অমানুষিক কৃচ্ছ্র-সাধনার অসামান্য আত্ম-বলিদানের কাহিনীর ধারা !

হয়ত বিধাতারও চমক লাগে !

ললিত কিন্তু নিজেকে অল্প রকম বোঝায়। তার কাছে অপরিষ্কৃত ভাবে এ-সব শুধু আনন্দের ঋণ-শোধ, মনুষ্যত্বের গৌরবের মূল্যদান। তার বেশী কিছু নয়। জীবন শুধু মন্ত্র শ্রোতে হাঙ্কা নৌকোর মত অত্যন্ত সহজে ভেসে যাবে ভেবে ত সে বিয়ে করেনি। জীবনের অগ্নি-পরীক্ষা, বিবাহের দায়িত্ব অনেক কথাই সে যে আগে ভেবেছে।

তবু ঋণ যেন আর শোধ হ’তে চায় না ! ছবির দিকে সে ভাল করে আজকাল চাইতে পারে না। গলার কণ্ঠি দেখা যায়, চোয়ালের হাড় ঠেলে উঠেছে। পরিশ্রমে, দুর্ভাবনায় উনিশ বছরের মেয়ের মুখে যেন ঊনপঞ্চাশ বছরের ক্লান্তি ! থোকা ত দিনের পর দিন মৃত্যুর দিকে এগিয়ে চলেছে।

বেনামী বন্দর

ডাক্তার সেদিন হঠাৎ একবার নিজে থেকে এসেছিল। গাড়ী থামিয়ে দরজার কাছে পা ফাঁক ক'রে দাঁড়িয়ে ওয়েষ্টকোটের ছ'পকেটে ছ'হাতের বুড়ো আঙ্গুল গুঁজে একটু সাম্নে ঝুঁকে, পরম আত্মীয়ের মত শ্লিষ্ট অনুরোধের কণ্ঠে বলে গেল, “আপনারা এখনো চেঞ্জ নিয়ে যাননি! না আপনারা ছেলটাকে বাঁচতে দিলেন না দেখছি!”

ডাক্তার যেতে ললিত বল্লেন, “কিন্তু ডাক্তার আমাদের একটু ভালবাসে, দেখেছ ছবি? ঠিক ব্যবসাদারী আমাদের সঙ্গে করে না। না?”

ডাক্তারের সহৃদয়তার আলোচনায় থানিকটা সময় বেশ কাটল। ললিত মনে মনে প্রতিজ্ঞা করলে, ছ'এক দিনের মধ্যে বা-হোক ক'রে টাকার জোগাড় সে করবেই। ছবি অল্প দিনের চেয়ে যেন একটু ক্ষুণ্ণভাবে “কলের জল বুঝি যাবার সময় হ'ল” বলে কাজে গেল। সমস্ত সংসারের ওপর যে বেদনার গুরুভার চেপেছিল, সেটা যেন অনেকটা হাল্কা হয়ে গেল সামান্য একটি মানুষের ক্ষণিকের অভিনয়ে।

‘পুন্নাম-

কিন্তু সে কতক্ষণ আর !

আবার-রাত্রি আসে। ললিত শ্রান্ত হতাশ হয়ে ঘরে ফেরে। শিশু নিয়মিত বায়না ধরে। মার অঁচল চেপে শুয়ে থাকে, মাকে সে ছেড়ে দেবে না।

“রান্না-বাগ্না কিছু করতে হবে না আমার ! এমনি বসে থাকলে চলবে ?”—

ছবি জোর ক’রে চলে যাবার চেষ্টা করে।

শিশুর কান্নায় কাতর হয়ে ললিত বলে, “থাক না, আমি না হয় বাঁ হোক বাজার থেকে কিছু কিনে আনছি। তুমি বস ওর কাছে।”

“হ্যাঁ, এই জল-কাদায় অফিস থেকে দু’কোশ পথ হেঁটে এলে, আবার এখনি যাবে বাজারে ! ছেলের অত আদরে কাজ নেই ! আর বাজারের খাবার তোমার সয় কোন দিন ?”

“একদিন থেলে কিছু হবে না ! আর তুমিও একদিন জিরোও না।” ললিত যেন অনুন্নয় করে।

“না না, আমি রান্নাধিতে যাচ্ছি। এই বৃষ্টিতে বাজারে যেতে হবে না।” ছবি জোর করে উঠে পড়ে। শিশু কেঁদে হাত-পা ছুঁড়ে একাকার করে তোলে।

ললিত আর কথা না কয়ে বেরিয়ে যায়। বাইরে টিপ্ টিপ্ করে বৃষ্টি পড়ে, পথ কাদায় কাদা। পায়ে পায়ে জুতো সে কাদায়

বেনামী বন্দর

বসে যায় ; ললিতের শ্রাস্ত পা বেন কাদা থেকে উঠতে চায় না ।

ওই রুগ্ন পাঁচ বছরের শিশুকে কেন্দ্র করে এই ছোট সংসারটি ক্রান্ত পদে পূরম দুঃখের ভার বহন করে নিঃশব্দে আবর্তন করে ।

শিশুর অন্ধ অবাধ স্বার্থপরতার কাছে অহরহ বলিদান চলে ।

ললিত ভাবে,—শিশু, ভবিষ্যৎ মানব সে, সে যে সব কিছু দাবী করতে পারে—কোন ত্যাগই তার জন্তে যে যথেষ্ট নয় ।

ডাক্তার আর একদিন এসে বক্তৃতা দিয়ে গেছে—এবার আর সহনীয়তার সুরে নয়, মুকুটবিদ্যানার চালে ; চেয়ারে আলগোছে বসে কোলের ওপর টুপি খুলে ডান হাতে ছড়ি দোলাতে দোলাতে, “কোমরে বাঁ-হাত দিয়ে ঘাড় বাঁকিয়ে অনেক কথা বলে গেছে,—শিশুকে সংসারে আনবার দায়িত্বের কথা, ভবিষ্যতের প্রতি কর্তব্যের কথা, ইত্যাদি ।

যাবার সময় মটরে উঠেও মুখ বার করে বলেছে—“দেখুন, এমন করে একটা মানুষকে পৃথিবীতে নিজের সুরের জন্তে এনে

‘পুন্নাম—’

যারা তার প্রতি কর্তব্য করে না, তাদের জেল হওয়া উচিত—
ঠিক বলুন জেল হওয়া উচিত নয় ?”

ললিত তেমনি অফিসে যায়-আসে, কিন্তু তার মুখ যেন কঠিন
হয়ে গেছে পাথরের মুখের মত। তার মনের গোপনে কি সঙ্কল্প
জন্ম নিয়েছে কে জানে !

খোকা সেরে উঠছে। স্পষ্ট সেরে উঠছে। খোলা বারান্দায়
ডেক চেয়ারে বসে বসে ললিত খোকায় খেলা দেখে। ছবি
চেয়ারের পেছনে দাঁড়িয়ে বলে, “কিন্তু কি সুন্দর জায়গা বাপু,
আমার যেন আর কলকাতায় ফিরে যেতে ইচ্ছে করে না।” তার পর
মুখ নামিয়ে ললিতের কানের কাছে চুপি চুপি আনন্দোজ্জ্বল মুখে
বলে, “দেখ, কাল খোকাকে কোলে নিতে গিয়ে আমার হাত ছুটো
টন্ টন্ করে উঠল।”

রাঙামাটির দেশের রঙ যেন ছবিরও গালে লেগেছে ; শালবনের
সজীবতা যেন তার সারা দেহে ঝলমল করে।

ললিত তার দিকে একবার মুখ ফিরিয়ে চায়, তার পর নীরবে
কি যেন ভাবে।

বেনামী বন্দর

ছবি খানিক বাদে হেঁকে বলে, “ছি থোকা, ছেড়ে দাও, ওর লাগবে।”

থোকা তখন খেলার মাগিটির ঘাড়ের ওপর চেপে তার মাথাটা মাটিতে ঠোকঁবার যথাসাধ্য চেষ্টা করছে।

অগত্যা ললিত উঠে গিয়ে ছাড়িয়ে দেয়।

উৎপীড়িত ছেলোট কিম্বা ধূলোমাথা মাথায় উঠে একটুও না কঁদে ঈষৎ শ্লান হেসে মধুর কণ্ঠে বলে, “দেখুন ত কাকাবাবু, আমি কি ওকে ঘাড়ে করতে পারি!”

নিজের অজ্ঞাতে প্রতিবেশীর এই সুশ্রী সুন্দর মধুরকণ্ঠ ছেলোটের সঙ্গে নিজের ছেলের তুলনা করে হঠাৎ ললিত মনে মনে অকারণে অত্যন্ত পীড়া অনুভব করে।

ছেলেটি রোগা, মাথায় রেশমের মত কোমল এক মাথা দীর্ঘ চুল, নীল চোখ দুটিতে, ছোট্ট মুখে, শ্লান হাসিটি যেন লেগেই আছে।

ললিত থোকার কান ধরে ধমকে জিজ্ঞাসা করে, “কেন ওর মাথা মাটিতে ঠুকে দিচ্ছিলে? ঝগড়া না করে থাকতে পার না?”

থোকা মুখচোখ রাঙা করে নীরব হয়ে থাকে। অপর ছেলেটি তাড়াতাড়ি এগিয়ে এসে বলে, “না, ঝগড়া হয়নি ত! ও ঘোড়া-ঘোড়া খেলতে বল্লো কিনা, তাই আমি ওকে তুলতে পারিনি বলে—আমার মাথাটা একবার মাটিতে ঠুকে দিয়েছিল। আমার ত লাগেনি!”

‘পুন্নাম—’

“না, ওর গায়ে কথখনো হাত তুলো না” বলে থোকাকে ধম্কে ললিত আবার ফিরে এসে বারান্দায় বসে।

ছবি একবার বলে, “থোকার সঙ্গে ওদের টুন্স কিন্তু পারে না।” তার পর ললিতের গম্ভীর মুখ দেখে চুপ করে যায়।

থোকা ও টুন্স খেলা কিন্তু জমে না। টুন্স সমস্ত সাধ্য-সাধনা, গিনতি অন্তরোধ অগ্রাহ করে থোকা ক্রুদ্ধ মুখে গুম হয়ে বসে থাকে। তারপর হঠাৎ অকারণে প্রাণপণ শক্তিতে টুন্সকে চিম্টি কেটে দৌড়ে পালিয়ে যায়।

টুন্স ককিয়ে কেঁদে ওঠে।

ছবি গিয়ে তাড়াতাড়ি তাকে কোলে তুলে নিয়ে থোকাকে বকতে শুরু করে।

শুধু ললিত চেয়ার থেকে ওঠে না, সমস্ত মুখ তার অকস্মাৎ বেদনায় কালো হয়ে যায়। টুন্স শান্ত হয়ে খানিক বাদে যখন এসে বলে, “কাকাবাবু, থোকা আমায় মেরেছে, আর আমি খেলতে আসব না।” তখন পর্য্যন্ত ললিত কথা কয় না, সামনের দিকে চেয়ে নীরবে কি ভাবে সেই জানে!

বেনামী বন্দর

টুন্স কিন্তু বিকালবেলা আবার এল।

থোকাকে নিয়ে তখন ললিত একটু লেখাপড়ার চেষ্টা করছে ; এবং আধঘণ্টা পরিশ্রমেও শ্লেটের ওপর থোকাকে দিয়ে অকারের যৎসামান্য সাদৃশ্যেরও কোন অক্ষর লেখাতে না পেরে হতাশ হয়ে উঠেছে।

টুন্স এসে একপাশটিতে চুপ করে বসল। ললিত বললে, “তুমি অ লিখতে পার টুন্স ?”

এক গাল হেসে টুন্স বললে, “পারি কাকাবাবু, আমি বোধোদয় থেকে টানাও লিখতে পারি ! লিখব কাকাবাবু ?”

অবাক হয়ে ললিত বললে, “তুমি বোধোদয় পড় ?”

“বোধোদয় আমার শেষ হয়ে গেছে। অ লিখে দেখাব কাকাবাবু” বলে আগ্রহ ভরে টুন্স শ্লেটের দিকে হাত বাড়াল।

থোকা কিন্তু শ্লেট দিলে না। দৃঢ়মুষ্টিতে শ্লেট আঁকড়ে ধরে রইল।

“ওকে শ্লেটটা দিতে বলুন না কাকাবাবু”—টুন্স অনুনয় করে বলে, “আমি খুব ভাল করে অ লিখে দেখাব।”

ঠঠাৎ কঠিন স্বরে ললিত বললে, “থাক্, তোমায় লিখতে হবে না, ও এখন পড়ছে, এখন তুমি বাড়ী যাও।”

টুন্স অপ্রত্যাশিত কঠিন স্বরে ভীত ‘হয়ে মুখটি কাঁচুমাচু করে আস্তে আস্তে চলে গেল।

‘পুন্নাম—’

ললিত কিন্তু আর এক মুহূর্তও বসে থাকতে পারলে না ; টুন্সু যেতে না যেতে সে গম্ভীর মুখে উঠে বেরিয়ে গেল ।

দেখা হতে ছবি জিজ্ঞাসা করলে, “আজ এরি মধ্যে পড়াশোনা হয়ে গেল ? বাবা ! ওকে নিয়ে তুমি যে রকম উঠে পড়ে লেগেছ, জুজু মেজিষ্টের না করে আর ছাড়বে না !”

গম্ভীর মুখে ললিত শুধু বলে ‘হু’ ।

হুদিন টুন্সু আর আসে না । ললিতের লজ্জা মানি ও অনু-শোচনার আর অন্ত নেই । থোকাকে নিয়ে একবার তাদের বাড়ি যাবার জন্তে বেরিয়েও সে মাঝপথ থেকে ফিরে এল । নিজের কাছে নিজের মাথা তার চিরকালের জন্তে যেন হেঁট হয়ে গেছে ।

পরদিন হঠাৎ সকালে বাইরের গেটের কাছে বেরিয়েই লস চমকে ডাকলে “টুন্সু ।”

গেটের পাশে দাঁড়িয়ে টুন্সু উৎসুকদৃষ্টিতে ভেতরের দিকে চাইছিল । ললিতকে দেখতে পেয়ে সে ভীত কুণ্ঠিতভাবে চলে যাবার উপক্রম করলে ।

বেনামী বন্দর

“তুমি আর খোকার সঙ্গে খেলতে আসনা কেন টুন্স ?”

সাদর সম্ভাষণে ভরসা পেয়ে টুন্স অত্যন্ত কুণ্ঠিতভাবে বলে,
“আপনি তাহলে বকবেন না ত কাকাবাবু ?”

অকারণেই ললিতের চোখ অশ্রু-সজল হয়ে উঠল। এই
ক্ষীণকায় ফুলের মত কমণীয় ছেলেটির সমস্ত কথাবাত্তা, আচরণে
এমন একটি সঙ্গুণ ভাব আছে !

তাড়াতাড়ি তাকে বুকে তুলে নিয়ে ললাটে চুমু খেয়ে ললিত
বলে, “না বাবা আমি কেন তোমায় বকব !”

টুন্সর মুখ তৎক্ষণাৎ হাসিতে উজ্জ্বল হয়ে উঠল—বলে, “আমি
খেলতে যাই তাহলে।”

‘ তাকে নামিয়ে দিয়ে ললিত বলে, “যাও।”

টুন্স উল্লসিত হয়ে ছুটে গেল।

হুদিন বাদে আজ প্রথম প্রসন্ন মনে ললিত বেড়াতে বেরিয়ে গেল।

কিন্তু ফিরে এসে সে প্রসন্নতা তার রইল না।

দরজার কাছে থেকেই খোকার উচ্চ ক্রুদ্ধ কণ্ঠ শুনতে পাওয়া
গেল।

“না, ওকে ছোটো দিতে পারবে না মা ! কেন ও নিজের বাড়ীতে
গিয়ে খেতে পারে না ? হাংলা কোথাকার !”

লজ্জায়, বেদনায়, রাগে ললিতের কাণপর্যন্ত রাঙা হয়ে
উঠল। হিংসার এ জঘন্ত রূপ ওইটুকু শিশুর নাথো প্রকাশ পেল

‘পুন্মাম—’

কোথা থেকে ভাবতে ভাবতে নিঃশব্দে সে আপনার ঘরে গিয়ে ঢুকল।

সেখান থেকে গুনতে পেল ছবি বোঝাবার চেষ্টা করছে—
“না বাবা, ওরকম হিংস্টে-পণা কি করতে আছে, ও তোমার ভাই হয় ; ও ছোটো থাক্ তুমিও ছোটো থাও।”

টুনুর মিষ্ট গলা শোনা গেল—“আমি ত ছোটো সন্দেশ খাব না কাকিমা ; আমার অসুখ করেছে কি না, আমি একটুখানি খাব শুধু।”

“আচ্ছা বাবা, তুমি একটা নাও, আর খোকন্ এই তোমার ছোটো, কেমন হল ত !”

কিন্তু এও খোকান মনঃপূত নয়।

“না, ওকে একটাও দিতে পারবে না, ওকে দাও না দেখি, আমি ওর হাত থেকে কেড়ে নেব।”

ছবি এবার রেগে বল্ল, “কেড়ে নে'না দেখি ! তুই ত ছোটো পেয়েছিস। ও একটা খেলে তোর অত হিংসে কেন ?”

“কেন ও আমাদের বাড়ী থাকে ! বাবা ত তাড়িয়ে দিয়েছিল, ও আবার এসেছে কেন ?”

“দেশ করবে আসবে, বেশ করবে থাকে।”

ব্যাপারটা হয়ত সামান্য। কিন্তু ঘরে বসে বসে গুনতে গুনতে লালিতের অসহ বোধ হচ্ছিল। তার জীবনের সমস্ত আশা, সমস্ত স্বপ্ন, সমস্ত সাস্থনা কে যেন মাড়িয়ে খেঁৎলে চলে গেছে।

বেনামী বন্দর

সে নীরবে উঠে গিয়ে পাশের ঘরের দরজায় দাঁড়াল।

ছবি তখন টুন্সুর হাতে একটি সন্দেশ দিয়েছে। টুন্সু বলছিল,
“আমি ত সবটা খাব না কাকিমা—আমার বড্ড অসুখ করেছে
কি না! আমার ত খেতে নেই।”

কিন্তু তার কথা শেষ হতে না হতেই থোকা সজোরে তার
হাত মুচড়ে সন্দেশটা কেড়ে নিয়ে বললে, “ঈস, সন্দেশ ওকে পেতে
দিচ্ছি কিনা।”

হাতের ব্যথায় টুন্সু কাতর হয়ে কেঁদে উঠল।

ছবি রেগে থোকাক পিঠে চড় কসিয়ে দিলে।

ললিত যেমন নীরবে এসেছিল তেমনি নীরবে নিজের ঘরে
ফিরে গেল।

* * * *

ছবি এসে বললে, “আজ, ওদের টুন্সুর বড্ড অসুখ গো!”

ললিত সন্ধ্যার অন্ধকারে বারান্দায় বসেছিল, ব্যগ্রকণ্ঠে জিজ্ঞাসা
করলে, “কার টুন্সুর?”

“হ্যাঁগো, ওর মা তাই কাঁদছিল, ছেলেটা এমন ভালো জায়গায়
এসেও সারল না। দিন দিন যেন কেমন শুকিয়ে গেল।”

ললিত আবার মুখ ফিরিয়ে নীরবে দূরে অন্ধকার গিরিশ্রেণীর
কেই বোধ হয় চেয়ে রইল।

‘পুন্মাম—’

ছবি ঘরে যাবার উদ্যোগ করতে কিন্তু ললিত হঠাৎ অঁচল ধরে টেনে বললে, “শোন !”

“কি ?” বলে ছবি কাছে এসে দাঁড়াল।

আবার খানিকক্ষণ চুপ-চাপ !

“কি বলবে তাড়াতাড়ি বল বাপু, আমার কাজ আছে !”

চেয়ারটা ছবির দিকে ঘুরিয়ে নিয়ে বসে ললিত বললে, “খোকা ত বেশ সেরে গেছে, না ছবি ?”

“তাই ত মনে হচ্ছে।”

“তাহলে তুমি খুব খুশী হয়েছ ত ?”

“কি যে কথা বল তার মাথা মুণ্ডু নেই, একি আবার জিজ্ঞেস করে নাকি মানুষ ! আমি খুশী হয়েছি আর তুমি খুশী হও নি ?” ললিত শুধু বললে, ‘হঁ’।

ছবি আবার চলে যাচ্ছিল ! ফের তার অঁচল ধরে টেনে রেখে ললিত বললে, “এই খোকা হয়ত বড় হবে, মানুষ হবে, সংসার করবে—কি বল ছবি ?”

গলার স্বরটা ছবির কাছে যেন অস্বাভাবিক মনে হল, বললে, “কি তুমি যা-তা বলছ বল ত ?”

“শোন না, এই খোকা ভবিষ্যতের আশা ; পুত্র পৌত্রাদিক্রমে ও পৃথিবীকে ভোগ করবে, ধ্বংস করবে তাই জন্মে আমাদের এই এত আয়োজন, এত ত্যাগ, বুঝেছ ?”

বেনামী বন্দর

‘যাও, ত্রাকামী আমার ভাল লাগে না’ বলে জোর করে
অঁচল ছাড়িয়ে ছবি চলে গেল।

ললিত অন্ধকারে বসে বোধ হয় সেই ভবিষ্যতেরই একটু
আভাস কল্পনায় দেখবার চেষ্টা করতে লাগল।

কদিন বাদে হঠাৎ অন্ধরাতে কান্নার স্বরে ঘুম ভেঙ্গে উঠে ছবি
ললিতকে জাগিয়ে বসে, “শুনতে পাচ্ছো?”

ললিত বলে, “হুঁ”

ছবি ভীত পাংশুমুখে বলে, “কান্নাটা টুনুদের বাড়ী থেকেই
আসছে না?”

“তাই ত মনে হচ্ছে”

“কাল বড্ড বাড়াবাড়ি গেছে, বোধ হয় মারা গেল।” বলে
ছবি চোখ মুছলে।

ললিত বিছানা থেকে নেমে জানালার কাছে গিয়ে দাঁড়াল।
তারপর ঘরের মধ্যে পায়চারী করে বেড়াতে বেড়াতে হঠাৎ থমকে
দাঁড়িয়ে বিকৃতস্বরে বলে, “টুনু মরে গেল আর আমাদের ছেলে বেঁচে
উঠল, আশ্চর্য্য নয় ছবি!”

‘পুল্পাম—’

ছবি একবার শিউরে উঠল মাত্র, উত্তর দিল না। ললিত মাথা নীচু করে পায়চারী করে বেড়াতে বেড়াতে বলে যেতে লাগল, “আমরা অনেক ত্যাগ করেছি, অনেক সয়েছি, আমাদের ছেলে বাচবেই যে ছবি! আমাদের ছেলের মত আরো কোটি কোটি ছেলে বাচবে, বড় হবে, রেষারেশি, মারামারি, কাটাকাটি করে পৃথিবীকে সরগরম করে রাখবে; নইলে আমাদের এত চেষ্টা, এত কষ্ট স্বীকার যে বৃথা ছবি!”—স্বর তার অত্যন্ত অস্বাভাবিক!

ছবি বিরক্ত হয়ে বললে, “তোমার মাথা খারাপ হয়েছে!”

“বোধ হয়” বলে হঠাৎ ছবির হাতটা সজোরে ধরে ললিত উগ্রকণ্ঠে বললে, “চেঞ্জ আসবার টাকা কি করে জোগাড় করেছি জানো ছবি? সন্তানকে পৃথিবীতে আনবার দারিত্বে কি করেছি জান?”

ছবি সে মুখের চেহারায় এবার অত্যন্ত ভয় পেয়ে বললে “কি?”

“চুরী করেছি, জুয়াচুরী করেছি, লুকিয়ে জাহাজের গাঁটরি বিক্রি করেছি। ভবিষ্যতের মানুষের দাবী মেটাতে অন্ডায় করিনি নিশ্চয়!”

“তাহলে কি হবে!” ছবির স্বর ভয়ে কাঁপছিল!

ললিত তিক্তমুখে হেসে বললে, “কিছু হবে না, ভয় নেই! সেইটুকুই মজা! এ চুরি কখনো ধরা পড়বে না! চিরকাল ধরে শুধু আমাকে খোঁচা দেবে।”

বেনামী বন্দর

ললিতের আকস্মিক উদ্ভেজনা কিন্তু যেমন বেগে এসেছিল, তেমনি বেগে শান্ত হয়ে এল।

দরজা খুলে বাইরে বারান্দায় সে বেরিয়ে গেল।

এবং শীতল স্নিগ্ধ অন্ধকারে কিছুক্ষণ নীরবে দাঁড়িয়ে থাকার পর তার মনে হল এতখানি ক্ষুধা বিচলিত হবার বুঝি কিছুই কারণ নেই।

বিশাল আকাশ নক্ষত্রের আলোয় যেন রোমাঞ্চিত হয়ে উঠেছে। তারি তলায় তার মনে হ'ল, এই মৌন সর্বসহা ধরিত্রী যে যুগ-যুগান্তর ধরে বারবার আশাহত, ব্যর্থ হয়েও আজও প্রতীক্ষার ধৈর্য্য হারায় নি!

ভবিষ্যতের ভার

ভবিষ্যতের ভার

সেকেণ্ড পণ্ডিত মশাই-এর বয়স অনেক হয়েছে—যাটের চেয়ে সত্তরের কাছাকাছি। দড়ির মত পাকানো লম্বা দেহটি, সামনের দিকে একটু নুয়ে পড়েছে। আজকাল গোঁফ-চুল সবই, পেকেছে। চোখ বুজিয়ে সামনের দিকে একটু ঝুঁকে বসেন, “আপনাকে নিয়ে এই পোনেরো জন হেড মাস্টারকে আসতে যেতে দেখলাম। আজকের কথা ত নয়—এ ইন্সকুল সবে তখন আরম্ভ হল। দশহানির বড় কর্তা তখন বেঁচে, ভারী ভালো লোক ছিলেন! সেক্রেটারী তখন অনাথবাবু কিনা, তাঁকে ডেকে বসেন, ‘আমার এই বার বাড়িটা ত পড়েই থাকে, এর দুটো ঘরে তোমাদের ইন্সকুল হয় না, হ্যাঁ?’

সেই বড় বড় দুটো ঘর নিয়ে ইন্সকুল আরম্ভ হল! সেকি আজকের কথা, এই এক-চল্লিশ বছর হল!”

চোখ বুজিয়ে শীর্ণ মাথাটি একটু নুইয়ে একধারে কাৎ করে’ কথাবলা পাণ্ডিত মশাই-এর অভ্যাস! মুখখানা ঘোবনে কি রকম

বেনামী বন্দর

ছিল এখন দেখে কিছুতেই কল্পনা করা যায় না। এক একজন লোকের যৌবন ছিল বলে কিছুতেই বিশ্বাস হয় না। তারা যে ভাবে জীবন আরম্ভ করে, শেষ যেন তেমনি করেই করে।

দেহে বা মুখে অতিরিক্ত মাংস পণ্ডিত মশাই-এর এক রত্তিও নেই। কোনও কালে ছিলও না বোধ হয়। তা'হলে চামড়া শিথিল হয়ে ছ-একটা আরো রেখা মুখে দেখা যেতো বোধ হয়।

প্রথম দেখলে মনে হয়, সে মুখ সদা-প্রসন্ন। বিশেষ লক্ষ্য করলে বোঝা যায়, সে প্রসন্নতা মনের নয় মুখের মাংসপেশীর মাত্র।

পণ্ডিত মশাই বলে' যাচ্ছিলেন, “গবর্ণমেন্টের ইস্কুল হলে এতদিন কবে পেন্সান পাবার কথা। ইস্কুল ঠাই নাড়া হলই ত ছ'বার।”—কথা কহিতে কহিতে পণ্ডিত মশাই-এর টিকেটা নিভে এসেছিল। চোখ চেয়ে তিনি তাতে আবার দু'দিতে স্ক্রু করলেন।

টিফিনের সময়ে মাষ্টারদের বিশ্রাম করবার ঘরে বসে কথা হচ্ছিল। ঘরটি শুধু মাষ্টারদের,—বিশ্রামের যতটা হোক বা না হোক শয়ন আহাঙ্গাদির বটে। ছোটো দুটো বেঞ্চি জুড়ে এক পাশে সেকেণ্ড পণ্ডিত অন্য পাশে ফোর্থ পণ্ডিত মশাই-এর শোবার ব্যবস্থা করা হয়েছে। ছেলেদের জলখাবার কলসীটাও ঘরের এককোণে থাকে,—আজ বাইরে রোদে শুকোতে দেওয়া হয়েছে।

ভবিষ্যতের ভার

বহুদিন বাসি জল না ফেলায় ও কেউ তদারক না করায় নাকি এত বেশী পোকা হয়েছিল যে, ধমক দিয়েও ছেলেদের জলে পোকা হবার নালিশ বন্ধ করা যায় নি। অবশেষে কাল থেকে কলসীটাকে রোদে দেওয়া হচ্ছে। ঘরের এক দেওয়াল থেকে আর এক দেওয়াল পর্যন্ত পেরেক পুঁতে দড়ি খাটান। তাতে পণ্ডিত মশাইদের ক'টি ময়লা ছেঁড়া কাপড় জামা ঝুলছে। সংখ্যায় সেগুলি অত্যন্ত কম, তাদের নতুন বলে ভ্রম করবারও কোন উপায় নেই।

সেকেণ্ড পণ্ডিত মশাই বাইরে কোন ছাত্রের বাড়ী পড়িয়ে থেয়ে আসেন।

ফোর্থ পণ্ডিত মশাই-এর খাবার ব্যবস্থাটা এইখানেই হয়। এক কোণে লোহার একটা তোলা উল্লন, ক'টা অত্যন্ত নোংরা কলঙ্ক-পড়া পেতলের থালা বাটি বাসন ও গোটাকতক তরকারীর খোসা পড়ে আছে। ঘরের মেজের সিমেন্ট অধিকাংশ জায়গায়ই উঠে গেছে—জঞ্জাল ও ধূলে নির্ঝিল্লি বহুদিন ধরে সেখানে বৃদ্ধি পাচ্ছে নিরাপদ অশ্রেষে—তাদের সে আশ্রয় থেকে বঞ্চিত হবার সম্ভাবনা সম্প্রতি আছে বলে মনে হয় না।

ফোর্থ পণ্ডিত মশাই-এর রান্নার দৌলতে এক ধারের দেয়াল কড়িকাঠ ও ছাদ ধোঁয়ার কালীতে স্থায়ীভাবে রঞ্জিত। অগ্ন্যান্ধ অংশে কালী না থাকলেও ঝুলের অভাব নেই। বিছানাটি জোড়া

বেনামী বন্দর

বেঙ্কির একধারে গুটিয়ে রেখে ফোর্থ পণ্ডিত মশাই কাপড় সেলাই কচ্ছিলেন। বিশেষ কাউকে উদ্দেশ্য না করেই বলেন, “কাপড়ের দরটা তবু কিছু নেমেছে, কি বলেন?”

কেউ কিছুই বলল না। ফোর্থ পণ্ডিত মশাই উত্তরের অপেক্ষামাত্র না করে সেলাই করে চললেন।

লোকটিকে সবাই একটু অবজ্ঞার দৃষ্টিতে দেখে—এমন কি নিরীহ সেকেণ্ড পণ্ডিত মশাই পর্য্যন্ত। চেহারাটি তাঁর ভক্তি বা সম্মান উদ্বেক করবার মত নয় বটে। মাথায় খাটো, চৌকোণা দেহটি মাথা থেকে পা পর্য্যন্ত আগাগোড়া কালো কালো বড় বড় লোমে আচ্ছন্ন—মুখে খোঁচা খোঁচা স্বেদং গৌফ-দাড়ির জঙ্গল। এই লোমশ কদাকার দেহটি তিনি আবার সর্বদা অনাবৃতই রাখেন—ধূতি ছাড়া আর কিছু: তাঁর গায়ে কদাচিৎ দেখা যায় : ক্লাশে পড়াবার সময় এক জোড়া খড়গ পায়ে থাকে বটে! কথা বোঝা তাঁকে বলতে শোনা যায় না, কিন্তু যে ক’টি কথা কন্ তার অধিকাংশই অপ্রাসঙ্গিক ও উদ্দেশ্যহীন। কথা বলার পর নিজেই সোধ হয় নিজের নির্বুদ্ধিতায় লজ্জিত হন। কথাটা যেন তিনি বলেন নি, এমনি ভাব দেখাবার চেষ্টা করেন তখন। লোকটির মুখে একটা সশঙ্ক দীনতার গভীর ছায়া আছে, নিজের ও পরের কাছে সর্বদাই যেন তিনি কি লাঞ্ছনা আশঙ্কা করছেন।

টিকে বেশ ধরে উঠেছিল; প্রস্তুত কল্কেটি হুকোর মাথায়

ভবিষ্যতের ভার

চড়িয়ে হাতটি এগিয়ে দিয়ে সেকেন্ড পণ্ডিত মশাই বল্লেন—“নিম্ন মশাই !”

রল্লাগ, “মাপ করবেন।”

হেড পণ্ডিত মশাই পেছনে এসে দাঁড়িয়ে ছিলেন, হাত বাড়িয়ে হুকোটা নিয়ে বল্লেন, “তামাক খান না, ওই সিগারেটগুলো খান ত ! ও-গুলোর কাগজ যে মশাই থুতু দিয়ে জোড়ে—তা জানেন ? সম্মত ওই মেম মাগীদের থুতু—”

ঘৃণায় এক ধাবড়া থুতু পণ্ডিত মশাই ঘরের দেয়ালেই ফেল্লেন। তার পর হুকোর খোলটি ডান হাতের কর্কশ চেটো দিয়ে মুছে একটি টান দিয়ে ধোঁয়া ছেড়ে বল্লেন—“পায়েস ছেড়ে আমানি !”— পণ্ডিত মশাই সকল দিক দিয়ে আদর্শ স্কুলের পণ্ডিত ! কোন থুতু নেই, বয়স তাঁর চল্লিশের কিছু বেশী হবে হয়ত, কিন্তু মনের বয়স তাঁর নিরূপণ করা কঠিন। সে-মন তিনি উত্তরাধিকার স্বত্রে কোন বৃদ্ধ-প্রপিতামহের সঙ্কীর্ণ জগৎ থেকে বহন করে এনেছেন ! পরম শ্রদ্ধার সঙ্গে তিনি সে-মনের সমস্ত সংস্কার ও দম্ভস্কীত অন্ধতাকে লালন করেন।

যে বর্তমান পদে পদে তাঁর জগতের সব কিছু মূল্য পালট করে দিচ্ছে, তার ভালো মন্দ সব কিছুকে নির্বিচারে দাঁত খিচোনই তাঁর এক মাত্র সুখ। রক্তহীন শীর্ণ চেহারা ; দীর্ঘকালের অজীর্ণ রোগ ও এই বিদ্রোহ মিলে মুখে একটা স্থায়ী বিরক্তির ছাপা এঁকে

বেনামী বন্দর

দিয়েছে। জুতো পায় দেন না—জামা গায় দেন না, উড়ুনি ও চাদর সম্বল। মোট কথা কঠোর ভাবে তিনি ব্রাহ্মণের সমস্ত কর্তব্য পালন করেন। এবং সে জন্ত তাঁর অহঙ্কারের সীমা নেই।

হুকোয় আরও ছোটো টান দিয়ে বলেন, “তার চেয়ে বিড়ি ভাল!—ও স্লেচ্ছর থুতু খাওয়ার চেয়ে ভাল!”

‘A lot you know’—সেকেণ্ডে মশাই পা ফাঁক করে দাঁড়িয়ে সিগারেট সমেত ঠোঁট ছুঁটি এক পাশে ফাঁক করে বলেন, “কি জানেন সিগারেটের? Have you any idea? কলে মিনিটে হাজার হাজার তৈরী হয়ে আসছে—untouched by hand—একি আপনার নোংরা হাতে গুড় আর তামাক পাতা চটকান।”

সেকেণ্ডে মশাইয়ের বয়স অল্প! যেমন বেঁটে তেমনি রোগা! ভাঙ্গা গালে ও বসা চোখে ঠুলির মত বড় গগল চশমাটা অত্যন্ত বিসদৃশ দেখায়। পা ফাঁক করে হাত পেছনে নিয়ে দাঁড়ালে ঠিক মর্কট বলে ভ্রম হয়। কিন্তু তাঁর পৃথিবীর নাবতীয় বিষয়ে জ্ঞান নাকি অসীম এবং সে জ্ঞানের পরিচয় তিনি স্লযোগ পেলে কখন দিতে ছাড়েন না।

হেড পণ্ডিত মশাই চটে গিয়েছিলেন!—এক ধারের ঠোঁট ঘৃণাভরে একটু তুলে নোংরা কালো ক’টি দাঁত বার করে বলেন,

ভবিষ্যতের ভার

“আপনি কি বিলেত গিয়ে দেখে এসেছেন? ওদের বিজ্ঞাপন পর্য্যন্ত ত দৌড়! ওরা সব ধর্ম্মপুত্রের যুধিষ্টির—সব ছাঁকা সত্যি কথাগুলি আপনার মত ভক্তদের জন্তে লিখে রেখেছে! বেদ মিথ্যে হবে তবু বিলেতে ছাপা বিজ্ঞাপন সে কি কখন মিথ্যে হতে পারে?—রামঃ—!”

সিগারেট আমি খাই না, সে কথা জানিয়ে তখন আর লাভ নেই।

তর্ক অনেক দূর চলত হয়ত! কিন্তু ছেলেগুলো হুড়-হুড় করে ঘরে এসে ঢুকে পড়ল।

‘শ্রার! টিফিনের ঘণ্টা হয়ে গেছে শ্রার! তবু ফণে ঘণ্টা! বাজাতে দিচ্ছে না শ্রার!’

হাঁপাতে হাঁপাতে নালিশটুকু শেষ করে ছেলেটা একটা ভয়ঙ্কর কিছু প্রতিবিধানের আশায় সমস্ত মাষ্টারদের মুখের দিকে চেয়ে হাঁ করে রইল।

থার্ড পণ্ডিত মশাই দেহের তুলনায় অত্যন্ত অপরিসর একটা বেঞ্চের উপর শুয়ে এতক্ষণ নাক ডাকিয়ে একটু বিশ্রাম ক্লরে নিচ্ছিলেন, এখন স্থূল দেহভার অতি কষ্টে তুলে চোখ রগড়ে বল্লেন—
“সব হাড় ভেঙ্গে দেব’ পাজী কোথাকার, গোলমাল কিসের রে!”—তারপর আবেষ্টনটা ঝরণ হওয়ায় আমাদের দিকে চেয়ে একটু লজ্জার হাসি হেসে বল্লেন, “কি হয়েছে, এবারে কেন?”

বেনামী বন্দর

ছেলেগুলো এবার সমস্বরে পূর্বের নালিশের পুনরাবৃত্তি করল।

“কই, ঘণ্টা কোথায় দেখি চল!”

“ফণের কাছে স্থার!”

“চল, ফণের পিঠের আজ চামড়া থাকবে না।”

এসব কাজে থার্ড পণ্ডিত মশাই-এরই উৎসাহ বেশী; স্থূল শিথিল দেহের সমস্ত মাংসপেশী প্রতি পদভরে নাচিয়ে তিনি ছেলের দলের সঙ্গে বেরিয়ে গেলেন।

ফণে স্থূলের হৃদাস্ত বিভীষিকা। প্রতিদিন সে স্থূলের একঘেষে ইতিহাসে একটি বিপ্লবের সৃষ্টি করে। সবাই পেছনে গেলাম। দেখা গেল ঘণ্টাটা টেবিলের ওপর যথাস্থানেই আছে। শুধু ফণের কোন চিহ্ন নেই এবং টিফিনের ছুটি মিনিট পোনোরো আগে শেষ হবার কথা।

ক’টা ছেলে স্বেচ্ছাপ্রণোদিত হরে চারিদিক খুঁজে এসে হাঁপাতে হাঁপাতে খবর দিলে, “ফণে, স্থার দেয়াল টপ্কে পালিয়েছে—দুইগুলো স্থার ফেলে গেছে কিন্তু”—ও থার্ডপণ্ডিত মশাই-এর বৃহৎ মুঠির গাঁট্টা থেয়ে নীরবে ক্লাশে গেল।

ঘণ্টা বাজল। মোচাকের মত মুহুগুঞ্জনের সঙ্গে স্থূলের কাজ আরম্ভ হ’ল।

ভবিষ্যতের ভার

সহরতলির সামান্য বাংলা স্কুল।

সহরতলিটিও প্রাচীন ও দরিদ্র। যে নগণ্য পাকা বাড়ীগুলি এখনও তার গৌরব রক্ষা করে তাদের সবারই অতি জীর্ণ দশা। রাস্তাগুলি অপরিসর ও অপরিষ্কার। এবং তারই ধুলোর ওপর দিয়ে প্রতিদিন সেখানকার তথাকথিত মধ্যবিত্ত ও নিম্নমধ্যবিত্ত সম্প্রদায় অতিকষ্টে করুণ সহিষ্ণুতার সঙ্গে নগ্ন দারিদ্র্যকে নামমাত্র আবরণে ঢাকবার কঠিন চেষ্টায় যাতায়াত করে।

প্রতিদিন সাড়ে দশটায় ভাঙা স্কুলবাড়ির আলোকবিরল পাঁচটি ঘরে তাদের শ'খানেক ক্ষীণদেহ পুত্র-পৌত্র জীর্ণ মলিন বেশে মানুষের বহুযুগসঞ্চিত জ্ঞান ও বিদ্যার উত্তরাধিকার গ্রহণের উপযুক্ত হবার আশায় এসে জড় হয়।

*

*

*

*

স্কুলের হেডমাষ্টার। পোনেরো দিন হল কাজে
চুকেছি।

বেনামী বন্দর

বাড়িতে নামা বলেন,—“এখন কাজে ঢুকেছি থাক্—নেই মামার চেয়ে কাণামামা ভাল! কিন্তু চারিধারে নজর যেন ঠিক থাকে! বত পারিস অ্যাপ্লিকেশন্ করে যাবি, ষ্টেইন্সম্যান রোজ পড়িস ত!”

চুপ করে থাকি।

মামা আরো বলেন, “সাধকরে কেউ কি আর মাষ্টারী করে, বলে দশ বছর মাষ্টারী করলে গরু হয়, বিশ বছরে গাধা! ছেলে ঠেঙিয়ে ঠেঙিয়ে মাথা খারাপ হয়ে যায়। পাঁচ বছর মাষ্টারী করেছে গুনলে মার্চেন্ট অফিসে ঢুকতেই দেয় না—”

মামার সব কথা কাণে যায় না। অনেক স্ববৃহৎ আশা ও কল্পনা মনকে অধিকার করে থাকে।

স্ত্রী ভাতের থালা রেখে বাতাস করতে করতে হয়ত বলে, “কিন্তু মাহিনে যে বড় কম, চলবেত?”

এবার মুখ খোলে।

“আজকের বাজারে চাকরী করলে, কী এর চেয়ে ভালো করে চলত?”

বেলা দশটা থেকে রাত সাতটা পর্যন্ত হাড় ভাঙ্গা খাটুনি খেটে সাহেবের গালগাল হজম করে না হয় আর ক’টা টাকা বেশী পেতাম। সে না হয় কেমিকেলের চুড়ি পরতে—আর এ না হয় কাঁচের চুড়ি পরবে একি তার চেয়ে খুব খারাপ চলা হল?”

ভবিষ্যতের ভার

বলতে বলতে থাওয়া থামিয়ে উত্তেজিত হয়ে উঠি। উমা তাড়াতাড়ি সাগ্রহে মাথা নেড়ে মতে সায় দেয়।

আরও উত্তেজিত হয়ে বলি, “এ কত বড় সম্মানের কাজ!”

“নিশ্চয়ই! তুমি কিন্তু মোটে খাচ্চনা! ও-চচ্চড়ি আবার ফেলে রাখলে কেন?”

“এইযে থাই।”—তাড়াতাড়ি কয়েকগ্রাস মুখে তুলে গিলে ফেলে বলি, “শুধু সম্মান? এ কত বড় কাজ বল দেখি! কেরাণীগিরির সঙ্গে এর তুলনা হয়! না খেতে পেয়ে মরলেও যে এতে সান্ত্বনা থাকবে—কিছু করে মরলাম। এত আর নান্না যা বোঝে সেই ছেলে ঠেঁধানো নয়। মানুষ জাতটাকে গড়ে তোলবার ভার আমাদের ওপর তা জান? প্রাণ দিয়ে করলে এর চেয়ে বড় এর চেয়ে শক্ত কাজ আর আছে! বিলেতে, তুনি বা বল্লো বুঝবে—শুধু কি করে ছেলেদের শেখান উচিত তাই ঠিক করবার জন্তে কত লোক জীবন পাত করছে! এ ত আর মাটি কাঠ-পাথর নিয়ে কাজ নয়, আসল মানুষ নিয়ে কাজ.....”

“ও সেই তোমার আনা ওলটা, বুঝেছ না! খুব ত তেঁতুল দিয়ে একবার সেক করে ফেলেছি, আর বোধ হয় লাগরে না—লাগছে কি?”

“না, বেশ লাগছে!”

বেনামী বন্দর

“তবু লাগছে ?”

বিরক্ত হয়ে বলি, “আর কিছুত বোঝ না—বাংলাটা ও কি বুঝতে নেই ! বেশ লাগছে মানে ভাল লাগছে ।”

* * * *

স্কুলে যাই ।

হার্ড পণ্ডিত মশাই গেট থেকেই পরম পরিচিত শুভানুধ্যায়ীর মত সুপুষ্ট নাতিলবু বাঁ হাতখানি কাঁধের ওপর রেখে এক পাশে টেনে নিয়ে যান, ও সুবৃহৎ ফোলা মুখখানি মুখের অস্বস্তিকর রকম নিকটে এনে, হাপরের মত অতি গোপন ফিসফিস স্বরে বলেন, “নতুন এখানে ঢুকলেন ত ! হালচালও এখানকার কিছু জানেন না । তাই একটু সাবধান করে দিচ্ছি !”—সঙ্গে সঙ্গে ঈষৎ আরক্ত চোখ দুটি স্ফীত ও বৃহত্তর হয়ে তাঁর উপদেশ সমর্থন করে ।

তিনি বলে যান, “পরের কথায় হেলবেন না মশাই, কারুর না, এই যে আমি বলছি আমার কথাতেও না, ও আমার কাছে জায্য-কথা,—আমি বলেত আর পীর নাই । একবারে আপ্রাইট এম্‌জ এ কোকোনট ট্রি । নতুন পেয়ে সবাই একবার বাজিয়ে দেখবে কিনা, ছনিয়ার নিয়মই এই ! কিন্তু বোল্ দেবেন্ একেবারে কাটা কাটা—টিমে তেতালা কখন নয়,—নেভার ।”

হাপুরে ফিস্‌ফিস্‌ ক্রসে সুস্পষ্ট হাঁড়ি গলায় এসে পৌঁছোয় । “একটু ফ্রেণ্ডলি অ্যাড্‌ভাইস্‌ দিলান, কিছু মনে করবেন না যেন !”

ভবিষ্যতের ভার

একটি মোলায়েম হাসি দিয়ে মনে করবার সব কিছু মুছিয়ে দিয়ে হঠাৎ মুখটা আবার নামিয়ে এনে পণ্ডিত মশাই চুপি চুপি বলেন—“একটা মজা দেখবেন ? হুঁ করে আজ জিজ্ঞেস করে দেখবেন দেখি, সেভেস্ত্র ক্লাশের রেজেষ্ট্রীতে চৌদ্দজনের নাম, আর ক্লাশে পোনেরো জন হয় কি করে ! অগ্নি ঘুরতে ঘুরতে ক্লাশে ঢুকে বেটপ্কা জিজ্ঞেস করে বসবেন বুঝেচেন ! তারপর দেখবেন রগড়খানা ! অনেক মজা আছে মশাই এইটুকুর মধ্যে—বহুত রগড়—”

হঠাৎ স্মরণ বদলে পণ্ডিত মশাই বলেন, “চলুন !”—এবং স্কুলে ঢুকতে ঢুকতে আর একবার স্মরণ করিয়ে দেন, “সেভেস্ত্র ক্লাশে, বুঝেচেন ! অগ্নি বেটপ্কা জিজ্ঞেস করে বসবেন !”

মনটা দমে যায় একটু হয় ত।

ঘণ্টা বাজে। স্কুল বসে। পাশের বরের গোলমালে পড়ান যায় না। উঠে গিয়ে দেখি, সেকেণ্ড মাষ্টার মশাই এসে পৌছন নি ; কোন দিনই তিনি সময়ে এসে পৌছন না। ছেলেগুলোকে নিজের ক্লাশে নিয়ে এসে বসাই।

প্রায় আধঘণ্টা বাদে ছ'খানা মোটা মোটা বই হাতে করে সেকেণ্ড মাষ্টার মশাই আসেন। বইগুলোর নাম পড়া যায় এমন ভাবেই টেবিলের ওপর রেখে বলেন, “আপনি আবার কষ্ট করে এ-বরে এসেছেন ! কিছু দরকার ছিল না।” বইগুলোর দিকে তাকিয়ে বলেন, “পড়বেন নাকি একখানা ? নিন্না ওয়েলসের

বেনামী বন্দর

এখানা নিম্ন—গর্কিরখানাও নিতে পারেন, যেটা খুশী—! আমার ওসব ছ' ছ'বার পড়া হয়ে গেছে, তবু আবার পড়ি—স্পেল্‌গিড্‌ বুক্‌স্‌! কোনটা দেব?”

বিনীতভাবে বলি, “এখন পড়বার সময় হবে না।”

বইগুলো তুলে নিয়ে করুণা মিশ্রিত অবজ্ঞার সঙ্গে তিনি বলেন, “এ-সব বালাই বুঝি নেই আপনার! মন্দ নয়; আমার কিন্তু মীটি এ্যাণ্ড ড্রিস্ক্‌ মশাই!”

রুগ্ন বিবর্ণ ফ্যাকাশে মুখ ও শীর্ণ থর্ক দেহ দেখলে সে কথা বিশ্বাস হয় বটে!

ছেলেদের ডেকে নিয়ে, দেবী হবার জন্য বিন্দুমাত্র লজ্জিত না হয়ে তিনি চলে যান।

দেবী করা সম্বন্ধে কয়েকদিন ধরেই বলব বলব করেও কিছু বলতে পারছি না।

আবার পড়ানয় মন দিই। ফাষ্ট ক্লাশের তিনটি মাত্র ছেলে। কুঁজো হয়ে বুড়োর মত মাথা নীচু করে নিজীবের মত আনমনা ভাবে চুপ করে থাকে। এক এক সময় মিছেই বকে মরছি মনে হয়, মনে হয় কিছুই শুনছে না। চোদ্দ পোনরো বছর সব বয়স—মুখে জৌলোষ নেই—চোখে জ্যোতি নেই!—হঠাৎ নিজের ওপর বিরক্তি ধরে। মনে হয়, আমার শুধু বই-এর ব্যাখ্যার চেয়ে আলো বাতাস ও পুষ্টির এদের চের বেশী প্রয়োজন।

ভবিষ্যতের ভার

তবু পড়িয়ে চলি। কোথা থেকে, মাঝে মাঝে একটা অত্যন্ত দুর্গন্ধ আসে। ছেলেগুলো মুখ চাওয়া-চাওয়ি করে—নাকে কাপড় দেয় !

“কিসের দুর্গন্ধ বলত ?”

ফ্যাপাটের মত একটা অত্যন্ত নোংরা রোগা ছেলে উঠে দাঁড়িয়ে ছেঁড়া কোটের নিঃসঙ্গ বোতামটিকে বাঁহাতে নাড়তে নাড়তে বোকার মত হেসে হড়-বড় করে বলে, “পায়রা পচেছে স্থার, ওই যে পায়রাগুলো আছে স্থার, তাই থোপের মধ্যে পচে গেছে স্থার প্রায় স্থার পচে যায়। ভয়ানক গন্ধ স্থার ! হোয়াক্ থু!”—ছেলেটা জানালায় গিয়ে থুতু ফেলে।

বারান্দায় কার্নিশের ওপর অনেকগুলো পায়রা থাকতে দেখেছি বটে !

উংকট দুর্গন্ধ ! একটা কিছু বিহিত করা দরকার।

মাষ্টার মশাইরা বলেন, “ওখানে কে উঠবে মশাই ! ও অমনি খানিক বাদে গন্ধ আপনিই যাবে’খন।”

বেয়ারাটা বিনা সিড়িতে অতদূর উঠতে পারবে না বলে।

বাইরে যাবার ছুতো করে ছেলেগুলো বাইরে এসে দাঁড়িয়ে দাঁড়িয়ে দেখে।

মাষ্টাররা নাকে কাপড় দিয়ে এসে ওপর দিকে চেয়ে মাথা নাড়েন।

বেনামী বন্দর

সেকেণ্ড মাস্টার মশাই রুমাল নাকে দিয়ে বলেন, “রট্‌ন্ প্লেস, পায়রাগুলো পর্য্যন্ত রট্‌ন্।”

একটা ছেলে হঠাৎ কাউকে কিছু না বলে অত্যন্ত ক্ষিপ্ততার ও কৌশলের সঙ্গে জানালার গরাদে, দরজার মাথা ইত্যাদি ব্যবহার করে অর্ধেক পথ উঠে গিয়ে বলে, “আমি উঠে পেড়ে দেব স্থার?”

“আমি উঠে পেড়ে দেব স্থার?” ভেঁচিয়ে ছড়ি তুলে থার্ড পণ্ডিত মশাই বলেন, “তোমায় কে বাহাহুরী দেখাতে বলেছিল বাদর? নেমে এস, দেখাচ্ছি—সব কাজে বাদরামি!”

তাকে থামিয়ে বলি, “পারে যদি উঠুকনা; আর কোন রকম বন্দোবস্ত যখন হচ্ছে না—”

“আস্কারা পায় মশাই!”

ফণে ততক্ষণ কারুর কথা শোনবার অপেক্ষা না রেখে দরজার মাথায় গিয়ে উঠেছে। কড়িকাঠের ফোকরের ভেতর হাত ভরে একটা মরা আধপচা পায়রার ছানা বার করে হেসে বলে, “পায়রার ছানা স্থার! পায়রাগুলো হাতে আবার ঠুকুরে দেয়!”

“ছেলেটা স্কুলের চক্ষুশূল এবং স্কুলের নিরবচ্ছিন্ন শান্তির একমাত্র ব্যাঘাত! তবু ছেলেটার উজ্জ্বল ছষ্টুমি ভরা চোখ ছটি, কেমন যেন ভালো লাগে। এখানকার নিজ্জীব স্থবিরতার মাঝে ওই যেন একটুখানি সজীব চঞ্চলতা—!

দুর্গন্ধ পচা পায়রার একটা কিনারা হয়। মাস্টার ও ছেলেরা

ভবিষ্যতের ভার

আবার ঘরে গিয়ে ঢোকে। খার্ড পণ্ডিত মশাই যাবার সময় আর একবার ইসারা করে তাঁর কথাটা স্মরণ করিয়ে দিয়ে যান।

একটু ঘুরে দেখতে বেরোই।

সেকেণ্ড মাস্টার মশাই, বই পড়ছিলেন। আঙুল রেখে সেটিমুড়ে অত্যন্ত অলস ও ঈষৎ বিরক্তিভরে উঠে দাঁড়ান। ছেলেগুলো লেপা থানিয়ে উঠে দাঁড়ায়।

বলেন, “আমার মেথড্ হচ্ছে কি জানেন—খালি লেপা, ছেলেদের খালি লিপতে দেওয়া। আমি এই ছ-মাসে এ মেথডে ওয়াশিংটন রেজান্ট পেয়েছি। শুধু মুখে পড়ানর চেয়ে এ ঢের এফেক্টিভ্। চোখকান, ও হাতের সেন্সেশান্ সমস্ত দিয়ে ব্রেন নলেজ্‌টা রিসিভ্ করে কিনা!” একটু দর্পের হাসি হেসে আবার বলেন, “কাজটাতে একদন আমার লাইকিং নেই যদিও, তবুও মেথড্ অফ্ টিচিং নিয়ে একটু আপটু “এক্সপেরিমেন্ট্” করেছি;—আপনি ‘ড্যান্টনের ‘মেথড্’ সম্বন্ধে পড়েছেন নিশ্চয়।”

শুকনো এক চিম্টে মানুষটির ছোট্ট মুখের অন্ধকের বেশী ‘গগল্’টাই অধিকার করে আছে। ওইটুকু মুখ থেকে এই সব অহঙ্কারের কথা ভারী হাশ্বকর লাগে।

বলি, “ছেলেদের ‘অ্যাটেণ্ডেন্স’টা এ ক’দিন খাতায় তুলতে ভুলে গেছেন, অনুগ্রহ করে আজ তুলে রাখবেন।”

“ও, ‘সরি’ মনে ছিল না।”

বেনামী বন্দর

যেতে যেতে দুঝতে পারি লোকটি অত্যন্ত অবজ্ঞাভরে আমার দিকে চেয়ে আছেন—

একই ঘরের দুই প্রান্তে হেড্‌পণ্ডিত ও থার্ড পণ্ডিত মশাইএর ক্লাশ।—টু শব্দটি নেই। দুইজনেই বিশ্বাস তাঁর মত ডিশিপ্লিন্ কেউ রাখতে জানে না এবং প্রত্যেকেই অপরের এই ‘ডিশিপ্লিন্’ রাখবার ক্ষমতাকে অত্যন্ত অবজ্ঞার চক্ষে দেখেন। এক ঘরে দুজন্য ক্লাশ থাকলে আর রক্ষে নেই। দুজনে প্রতিযোগিতা করে ডিশিপ্লিন্ রাখতে সুরু করেন।

ছেলেরা পাশ্চ মুখে সভয়ে নিঃশ্বাসটুকু পর্য্যন্ত টানতে দ্বিধা করে।

নিস্তব্ধ ক্লাশে শুধু দুই পণ্ডিত মশাইএর গলা শোনা যায়—
মাঝে মাঝে।

“পেন্সিল ঠুকছে কে রে! শব্দ টক করা চলবে না বাপু; এটা আমার বাড়ী নয়,—ইস্কুল, এদিকে আয় দেখি।”

চপেটাঘাতের শব্দ শোনা যায়।

প্রত্যুত্তরে থার্ড পণ্ডিত মশাই এক পর্দা চড়িয়ে ধরেন,—

“পা দোলাচ্ছিস কেন রে কেণ্টা—? কি বলে দিয়েছি আমি কাল? শুধু চুপ করে থাকলেই আমার ক্লাশে সাত খুন মাফ্ হবে না বাপু, এ বড় কঠিন ঠাই, হাত, পা, মাথা কিচ্ছু নড়বে না— একেবারে পুতুলটি হয়ে থাকতে হবে।” •

হেড্‌ পণ্ডিত মনে মনে বোধ হয় এর পাল্টা চাল খোঁজেন।

ভবিষ্যতের ভার

নিম্নলিখিত ক্লাশ ভয়ে আড়ষ্ট হয়ে থাকে।

থার্ড পণ্ডিত মশাই ইসারায় আন্সায় সে কথাটা আর একবার
অবলম্বন করিয়ে দেন।

ফোর্থ পণ্ডিত মশাইএর ক্লাশে অত্যন্ত গোলমাল—

হেড পণ্ডিত ও থার্ড পণ্ডিত মশাইএর শাসনে রুদ্ধবেগে সমস্ত
দৌরাণ্ডা সূদ সমেত তারা ফোর্থ পণ্ডিত মশাইএর ক্লাশে মুক্ত করে
দেয়।

কেউ তাঁকে মানে না। চারিধারে ভিড় করে দাঁড়ায়। পণ্ডিত
মশাই পাথার বাঁটি দিয়ে এলোপাথারি প্রহার করে তাড়াবার চেষ্টা
করেন। ছেলের ভারী একটা খেলা মনে হয় বোধ হয়।
পাথার বাঁটির নাগালের বাইরে দাঁড়িয়ে তারা হাসতে থাকে।

“শ্রাব, নগেন শ্রাব, চেয়ারের পেছনে দাঁড়িয়ে।”

“না শ্রাব”—অত্যন্ত চতুরতার সঙ্গে নগেন নিজের জায়গায়
গিয়ে হাসে।

অগত্যা পণ্ডিত মশাই ওঠেন, দাঁত থিঁচিয়ে বলেন, “সকলের
এক ঘা করে বেত।”—এবং পরক্ষণেই দাড়ি গোঁফের জঙ্ঘল
ভেদ করে অকারণ হাসিটুকু প্রকাশ পায়।

ছেলেরা হৈ চৈ করে,—হ্যাঁ শ্রাব হ্যাঁ শ্রাব!” এবং স্বেচ্ছায়
হাত বাড়িয়ে হাসে।

পণ্ডিত মশাই পাথার বাঁটির এক এক ঘা করে মেরে শান।

বেনামী বন্দর

“হ্যাঁরে অনিল, তোর না ফাষ্ট বেকিতে জায়গা !”

ছেলেরা চীৎকার করে বলে, “হ্যাঁ শ্রার, ও একবার মার
থেয়েছে শ্রার, আবার খাবার জন্তে নেমে এসে বসেছে শ্রার—!”

“আর তোকে মারব না ত।”

অনিল অম্মনয় করে বলে, “আর একবার শ্রার !”

একটা ছেলে চৈঁচিয়ে জানায়, “ওই আপনার ডাল ভিজ়ে গেল
শ্রার, বৃষ্টি পড়ছে।”

পণ্ডিত মশাইএর ডাল রকে খবরের কাগজের ওপর শুকোয়।
তাড়াতাড়ি মার ফেলে পণ্ডিত মশাই ডাল তুলতে দৌড়োন।
সত্যিই বৃষ্টি পড়ছে।

ধীরে ধীরে সেখানে থেকে চলে আসি। কিছু বলতে পারি না
কেন জানি না। আসবার পথে দেখি, বৃদ্ধ সেকেণ্ড পণ্ডিত মশাই
ক্লাসে টেবিলের ওপর পা তুলে দিয়ে ঘুমোচ্ছেন। মাথাটা চেয়ারের
পেছনে কাত হয়ে ঝুলে পড়েছে। ঘুমন্ত মুখ তাঁর চির প্রসন্নতার
আভাস হারিয়ে অত্যন্ত ক্লান্ত ও কাতর দেখায়।

• আবার টিফিনে ফণের নূতন কীর্তির তদন্ত করতে হয়। সেকেণ্ড
পণ্ডিত মশাইএর ঘুমোবার সময় সে নাকি রেজেষ্ট্রী খুলে—সমস্ত
অনুপস্থিত চিহ্নগুলি উপস্থিতির চিহ্ন করে দিয়েছে। শুধু নিজের
নামটি করেই সে নাকি ক্লান্ত থাকেনি, অত্যন্ত পরার্থপরতার সঙ্গে
ক্লাশের সকলকেই নিজের গোরবে সমান অধিকার দিয়েছে।

ভবিষ্যরের ভার

স্কুলের দিন এমনি করে কাটে।

কাপড় কেনাটা এবারে না হয় থাক্—উমা বলে।

বুঝি সবই। তিনমাস ধরে অত্যন্ত পুরোণ কাপড় ছোটো সেনাই করে কোন রকমে চালাবার ইতিহাসটাও তার জানি। তবু চুপ করে থাকি। কিছুদিন ধরে আর একটা টিউশনির চেষ্টা দেখছি : এখনো জোগাড় করে উঠতে পারিনি।

“মুদি কাল আবার এসেছিল, ওর আর কেরাসিন তেলওয়ালারটা দিয়ে দিলেই এখন চলবে। অতগুলো ছুদিন দেবী করলে ক্ষেতি নেই।”—একটু হেসে উমা আবার বলে, “খোকার জামার কাপড় আর কিনতে হবে না, তোমার সেই ছেঁড়া সাটটা থেকে খোকার কেমন জামা করেছি দেখবে?”

অত্যন্ত খুশীর ভাণ করে উমা তাড়াতাড়ি জামাটা এনে দেখায়। হাসিমুখে বলি,—“বা চমৎকার হয়েছে ত ! ওই ছেঁড়া জামাটা থেকে এমন সুন্দর হল ? তুমি দেখছি অ্যারেবিয়ান্ নাইটসের যাত্রকরী !”

এবার সত্যিকারের আনন্দে তার মুখ উজ্জ্বল হয়ে ওঠে, বলে,
“তোমার সব কথায় ঠাট্টা !”

কিন্তু আনন্দটাকে বেশীক্ষণ রাখা যায় না। কখন দেখি তা উবে গেছে।

মনে মনে সঙ্কল্প করি, এবার আর একটা টিউশনি জোগাড় করবই।

বেনামী বন্দর

দ্বানমুখে উমা এক সময়ে বলে, মামার। আর এখানে আসবেন না, বোধ হয় কিছু মনে করে গেছেন।”

“কেন?”

“যত্ন টত্ন কিছুই ত করতে পারিনি। সত্যি তাঁদের ভাল করে যত্ন না করতে পেরে এমন লজ্জা হ’ত।” বলে উমা একটু হাসবার চেষ্টা করে। তারপর বলে, “তাঁরা ত আর রোজ আসেন না, পাঁচ দশ বছরে একবার! তাও যত্ন করতে পারলাম না!”

সত্যি কথা। কিন্তু যত্ন না করতে পারাতেই মুদির কাছে, দ্বিগুণ ঋণ হয়ে গেছে। স্বজনপীতি হয়ত অন্তরের স্বতস্ফূর্ত জিনিষ, কিন্তু তার পরিচয় দেবার সৌভাগ্য সকলের নয়। আত্মীয় স্বজন আসার আনন্দের পেছনে অত্যন্ত স্থূল অত্যন্ত হীন ছর্ভাবনাটাকে কোন রকম ধমক দিয়েই চেপে রাখবার উপায় নেই।

“তুমি অত ভাবছ কেন বল ত? এমাসে না হয় আর মাসে কাপড় চোপড় কিনলেই ত হবে। ত্রিশটা দিন বই ত নয়— ওমাসে ত আর উপরি খরচ নেই।”

কিন্তু ও মাসেও হয় না।

ভবিষ্যতের ভার

হঠাৎ ডাক্তার ও ডাক্তারখানার বিল বেড়ে ওঠে।—খোকার অত্যন্ত অসুখ। অনেক কষ্টে সেরে ওঠে।

উমা বলে, “দেখ, এমাসটাও কাপড় না হলে চলে যাবে। সেমিজটায় তালি লাগিয়ে নিয়েছি, কাপড়ের তলায় থাকবে, তালি থাকলেই বা কে দেখতে পাচ্ছে?”

খানিক থেমে বলে, “তোমার জুতো জোড়াটা যেন এবারেও কিনতে ভুলে যেওনা।”

“পাগল হয়েছে! আমি নেহাৎ আহাম্মুক তাই জুতো কিনব বলেছিলুম। হাফসোল আর হিল লাগিয়ে এই তিনটে জায়গায় তালি দিলে এ জুতাকে আর ছ’মাসের মত দেখতে শুনতে হবে না। কি রকম মজবুত জুতো এ—!”

উমা কি জানি কেন অতদিকে মুখ ফিরিয়ে থাকে—।

খানিক বাদে বলে, “খোকার একটা বিলিতি ছধ এনো!”

“এই সেদিন বিলিতি ছধ এল, এর মধ্যে ফুরিয়ে গেল! এ রকম খরচ করলে ত পারা যায় না।”—একটু বিরক্তই হই।

মুখ শ্লান করে উমা বলে—“এ রকম আর কি খরচ করি, ডাক্তার তবু কতবার করে খাওয়াতে বলেছিল, আমি ত শুধু সকালে একবার রাত্রে একবার খাওয়াই, আর বাকী ত শুধু অ্যারাকট দিই।”

”

জোর করে বলি—“ডাক্তাররা ও রকম ঢের বলে। অ্যারাকট

বেনামী বন্দর

বেশী করে দিও। বিলিতি দুখ যখন ছিল না তখন আর এদেশে ছেলে বাঁচত না?”—নিজের বেদনাময় সন্দেহের কাঁটাটাও বোধ হয় ওই দিয়ে উড়িয়ে দেবার চেষ্টা করি।

ইন্ফ্যান্ট-ক্লাশের ছেলেগুলো বসতে পায় না, মাটিতে বসে। ক’টা বেঞ্চির অত্যন্ত দরকার। ঘরটাও বড় অন্ধকার; পেছন দিকে একটা জানালা ফোটাতে ভাল হয়।

• সেক্রেটারী মশাই অত্যন্ত ভদ্রলোক, কিন্তু তাঁর হাত নেই। বল্লেন, “বোর্ড থেকে না হকুম দিলে আমি ত কিছু করতে পারি না।”

অনেক দিন বাদে বোর্ড থেকে সংবাদ এল। জানলাটা সম্বন্ধে এখন কিছু করা যায় না। জানালার পেছনের জায়গাটাই অপরের। তারা বোধ হয় জানালা খুলতে দেবে না। তা’ছাড়া বাড়িওয়ালা থাকেন বিদেশে, তিনি জানলা হয়ত খুলতে চাইবেন না ইত্যাদি অনেক হাঙ্গামা। সুতরাং জানলা খোলা হবে না।

বেঞ্চি সম্বন্ধে কথা এই যে, ইন্ফ্যান্ট-ক্লাশের ছেলের সংখ্যার কিছু ঠিক নেই। কখনও বাড়ে কখনও কমে। সুতরাং তার জন্তে

ভবিষ্যতের ভার

স্কুলের টাকার এই টানাটানির সময় বেঞ্চি কেনা সুবুদ্ধির কাজ নয়। অল্প ঘর থেকে একটা নিয়ে চালিয়ে দিলেই হবে।

হয়ত কথাগুলো বিবেচকের মত। কিন্তু মনটা ভাল নেই। কিছুদিন আগেই বোর্ড থেকে এক রহস্যময় আদেশ এসেছে মাষ্টারদের ওপর—আর স্কুলে নির্দিষ্ট পাঠ্যের অতিরিক্ত কিছু পড়িয়ে যেন সময় নষ্ট করা না হয়।

প্রথমটা কিছু বুঝতে পারি নি। হঠাৎ একদিন মনে হ'ল মাঝে মাঝে বাইরের বই থেকে ছেলেদের আমি গল্প-গাছা বলি বটে। সেটা দোষণীয় ভাবিনি এবং তা লুকোবার কোন চেষ্টাও আমার ছিল না। কিন্তু সে সংবাদ বোর্ডের কাণে হঠাৎ গেলই বা কি করে তাও বুঝতে পারি না।

কিছুদিন আগে ইন্ফ্যান্ট-ক্লাশকে একঘণ্টা আগে ছুটি দেওয়ার নিয়ম নিয়েও একটু গোল হয়েছে।

হুকুম এসেছে—“অনুগ্রহ করে প্রচলিত নিয়ম পরিবর্তন করবেন না”

পাঠ্য-পুস্তকের তালিকা সম্বন্ধে নতুন প্রস্তাব করতে গিয়েও অমনি বিফল হয়েছি।

থার্ড পণ্ডিতমশাই একধারে ডেকে নিয়ে গিয়ে বলেছেন, “আপনারা ছেলে মানুষ—এখনও সরল প্রকৃতির, ওসব সংসারের মার-প্যাঁচত এখনও বোঝেন না। আপনি সরল মনেই গেলেন

বেনামী বন্দর

নতুন বই বদলাতে, লোকেত আর তা বুঝবে না। তারা ভাবলে, আপনি বইওলাদের কাছে ঘুষ খেয়েছেন। ওরকম খায় নে মশাই! আপনি যে সরল মানুষ তাত আর লোক বুঝবে না.....”

সমস্ত গা’টা কেমন যেন রী-রী করে উঠেছে। পণ্ডিত মশাই-এর আকস্মিক অন্তরঙ্গতার কারণও বুঝে উঠতে পারিনি। স্কুলে ঢোকবার প্রথম দফাতেই তাঁর সঙ্গে তাঁর একটা অনুরোধ নিয়ে একটু কষাকষি হয়েছিল।

অনুরোধ না রাখার পরের দিনই তিনি হঠাৎ টিফিনের সময় নিজে থেকেই বলে উঠেছিলেন, “হেডমাষ্টার মশাই বলছিলেন, সব ছেলের নামত রেজেষ্ট্রীতে নেই—সেটাত ভালো কথা নয়।”

অত্যন্ত ‘কিন্তু’ হয়ে ফোর্থ পণ্ডিতমশাই বলেছিলেন, “দেখুন, এই তিনদিন বাদেই ওর বাপ এসে ভর্তি করে দেবে এই ছুদিন অমনি বসছে। অমনি আসে, আমি আর বারণ করতে পারি না.....”

অত্যন্ত বিরক্ত হয়েছিলাম,—“আমি ত এ রকম কোন কথা বলিনি, আপনিইত বরং আমায় এ খোঁজটা করতে বলেছিলেন থার্ড পণ্ডিতমশাই!”

সেইদিন থেকে পণ্ডিতমশাই একটু এড়িয়ে এড়িয়ে চলতেন। হঠাৎ তাই এই আত্মীয়তা একটু বিশ্বয়কর লাগল সেদিন।

টিফিনের ঘণ্টায় বিশ্রাম-ঘরে চুপ করে বসে থাকি। কোথাকার রেলভাড়া ক’পরসা কমেছে উৎসাহের সঙ্গে সেই আলোচনা চলে।

ভবিষ্যতের ভার

পাশে বসে সেকেণ্ড মাষ্টার থার্ড পণ্ডিতমশাইকে কোন্ কোন্ বড় বড় সাহিত্যিকের সঙ্গে তাঁর কিরূপ অন্তরঙ্গতা আছে তারই গল্প বলেন। তিনি যে নিজেও একজন সাহিত্যিক এ-কথা সম্প্রতি তিনি প্রকাশ করেছেন এবং এই বিশ্বয়কর সংবাদ প্রকাশ হবার পর থেকে নিজেদের সৌভাগ্য সম্বন্ধে সচেতন হয়ে সমস্ত স্কুল একটু ব্যতিব্যস্ত হয়ে পড়েছে। ছাড়াছাড়া ছ-একটা কথা শুনতে পাই।

“এ ইস্কুলে আর কদিন আছি বলুন.....কি জানেন, ক্রীয়েটিভ ওয়ার্কের সঙ্গে এসব কাজ করা চলে না.....কোন রকমে পড়ে আছি বইত নয়.....লেখাটা পেইং হতে আমাদের দেশে একটু দেরী লাগে কিনা...বিশেষতঃ ভালো লেখা.....বিলেতে হলে কি আর ভাবতে হত! নতুনের কদর কি এদেশে বোঝে.....”

এই ছোট্ট শুকনো মানুষটির দৃঢ় বিশ্বাস হতভাগ্য-এই দেশ অত্যন্ত নির্বোধ বলেই তাঁর অসামান্য প্রতিভার উপযুক্ত সম্মান অবিলম্বে দিতে পারছে না। পণ্ডিত মশাইও শোনে বলে মনে হয় না।

এই নিত্যনৈমিত্তিক একঘেয়েমি অসহ বোধ হয়। হাঁপিয়ে উঠি।

ফণে ও স্কুল ছেড়ে দিয়েছে। নিরবচ্ছিন্ন শান্তিতে স্কুল চলে।

তার শেষ কীর্তি পকেটের ভিতর জ্যাস্ত হেলে সাপ এনে ক্লাসের মধ্যে ছেড়ে দেওয়া। থার্ড পণ্ডিত মশাই-এর কাছে

বেনামী বন্দর

বেদন নার খেয়ে তারপর সে আর স্কুলে আসেনি। তার বাপ এসে স্কুলে বলে গেছে—তার নাকি বিছা হবার কোন আশা নেই—সবাই তাই বলে।

ত' একটা ছেলে এসে খবর দিয়েছিল—সে নাকি এবার তার বাপের ব্যবসা দেখবে। সবাই বলেছিল—“বেণের ছেলেত !”

ছোটো টিউশনিই গেছে।

থোকার অত্যন্ত লীবারের দোষ হয়েছে। চিকিৎসা চলছে।

আজকাল আবিষ্কার করেছি, রাত্রে শুধু ছুটি ছাতু খেয়ে থাকলে শরীর ভারী হাল্কা থাকে, অজীর্ণ হবার কোন সম্ভাবনা থাকে না।

উমা বলে,—“ও-সব সেমিজ-টেমিজ আজকালের ফ্যাসান বইত নয় ! বয়স হয়েছে, আর বাপু লজ্জা করে পরতে—তা সেকলে বলুক আর যাই বলুক লোকে।”

উমার বয়স উনিশ হয়েছে বটে।

ভবিষ্যতের ভার

সেদিন অতি কষ্টে রাগ সামলেছি।

মাথাটা সকাল থেকে অত্যন্ত ধরা। তবুও পড়িয়ে বাই।

পড়াতে পড়াতে একটী ছেলের প্রতি কেমন সন্দেহ হয়—শুনছে না। জিজ্ঞাসা করলে কিছু বলতে পারে না। ধমক দিয়ে আবার পড়াতে আরম্ভ করি।

হঠাৎ চোখে পড়ে ছেলেটা বই আড়াল দিয়ে অন্য কি পড়ছে।

বই এর পেছনে ডিটেক্টিভ উপন্যাস ধরা পড়ে!

সমস্ত রক্ত যেন এক মুহূর্তে মাথায় উঠে যায়—

“পাজী কোথাকার! আমার মুখ দিয়ে ফেনা উঠছে আর তুমি ডিটেক্টিভ উপন্যাস পড়ছ?—কাণ ধরে হিড় হিড় করে ছেলেটাকে টেনে নিয়ে আসি।

নিজের পৈশাচিক রাগে নিজেই হঠাৎ বিস্মিত হয়ে তাকে ছেড়ে দিই। সামান্য কারণে এমন রাগ ত আমার কখন হত না?

এবার বর্ষাটা বড় বেশী দিন ভোগাচ্ছে। জুতোটা আরো

বেনামী বন্দর

হুমাস বেশ পায়েদেওয়া যেত। বর্ষার জন্তই বা অনবরত ভেতরে জল ঢুকছে। তাবলে এই কদিন বর্ষার জন্তে এমন জুতোটা ফেলে দিয়ে আবার এক জোড়া কেনা ত আর যেতে পারে না !

সর্দিটা বোধ হয় এই ভিজে পায়ে থাকার জন্তেই বাড়ছে। মাথাটা আজকাল রোজই ধরে। কেমন যেন গায়ে জোর পাইনা।

উমা চিন্তিত ভাবে মুখের দিকে চেয়ে বলেন—“তোমার কিন্তু গালের হাড় দেখা দিচ্ছে! তুমি আজকাল মোটে ভাল করে খাও না”

হেসে তার পিঠ চাপড়ে বলি, “হাড় থাকলেই দেখা যায়—”

স্কুলের শেষ দুটো ঘণ্টা মাথার বস্ত্রণা অসহ হয়ে ওঠে।

ডাক্তার বলেছে, কিছুদিন রেপ্ট নিন না—আপনিই সেরে যাবেন। বলি, “হ্যাঁ, এইবার নেব ভাবছি—আচ্ছা এর কোন ওষুধ-টোষুধ দেওয়া চলে না ত?”

“কিছু না। শুধু বিশ্রাম নিলে আপনি সেরে যাবেন।”

ক্লাশে শেষ দুঘণ্টায় কিছুতেই নই খুলে পড়তে পারি না।

আর সত্যিই মাঝে মাঝে লিখতে দেওয়া ত আর খারাপ নয়।

ভবিষ্যতের ভার

লেখাটাও ত দরকার। আমি ত আর ফাঁকি দেবার জন্তে লেখাছি না—লেখার ভেতর দিয়েও ত ছেলেদের বেশ আনন্দের সঙ্গে শিক্ষা দেওয়া যায়! ভেবে চিন্তে লেখার একটা খেলাও ত বার করা যেতে পারে।

ছেলেদের বলি—কে কোন্ অক্ষর নিবি বল্।

“এফ শ্রার”—“আর”—“সি”.....

“বেশ! আজকের পড়া থেকে নিজের নিজের অক্ষর যে কটা কথার আগে আছে খুঁজেখুঁজে খাতায় লিখে ফেল দেখি। দেখি কার ভাগ্যে ক’টা অক্ষর পড়ে।”

বেশী করে ছেলেদের আর বোঝাতে হয় না। কদিন ধরেই তারা এ খেলা করছে—জানে। তারা উৎসাহের সঙ্গে বলে, “ইয়াশ্রার।”

এইত বেশ লেখার পদ্ধতি! ধরতে গেলে মাথাগেকে বেশ ভাল মতলবই বেরিয়েছে—!

একটা ছেলে অত্যন্ত তাড়াতাড়ি খাতা দিয়ে বলে, “আমার ‘ওরাই’ ছিল শ্রার, হয়ে গেছে।”

“আচ্ছা এবার ‘ই’ ধর—

ছেলেরা কি বোঝে জানি না; কেউ আর খাতা নিয়ে আসে না।

চঠাং ঘন্টার শব্দে জেগে উঠি।

বেনামী বন্দর

চম্কে দেখি—

ঘুমোচ্ছিলাম...

টেবিলের ওপর পা তুলে দিয়ে চেয়ারের পিঠে মাথা রেখে
ঘুমোচ্ছিলাম !

ଜୀବନ-ସୌବନ

জীবন-যৌবন

সকাল হইতে না হইতে বুড়া কুন্তিবাস লাঠি ঠুক ঠুক করিয়া বাহির হইয়া পড়ে। অত্যন্ত সন্তর্পণে বাহিরের দরজাটা ভেজাইয়া দিয়া যায়—মেয়ে জানিতে পারিলে আর রক্ষা নাই।

জানিতে যে পারে না তাও নয়। গভীর রাত্রে আবার ঘরে দিগ্বিদিক হইয়া তখন দরজা খুলিয়া দিয়া সুশীলা যে কথাগুলি শুনাইয়া দেয় অত্যাশ্চর্য না হইলেও সেগুলি বড় কটু।

কিন্তু রাত্রি সে অনেক দূরের কথা। জীবনের নিশা বাহার নিকট হইয়া আসিয়াছে তাহার কাছে প্রভাত হইতে রাত্রি অনেক দূর মনে হয়। অত দূরের কথা ভাবিবার প্রয়োজন হয় না।

এমন রোজই হয়। রাত্রে দরজা খুলিয়া দিয়া সুশীলা বলে, “বুড়ো বয়সে তোমার লজ্জাও করে না বাবা! একলা মেয়েছেলে ভট্টো ছোট ছেলেমেয়ে নিয়ে যে সকাল থেকে রাত বারোটা পর্যন্ত এই বাড়িতে একলা পড়ে থাকি, তার জন্ত একটু ভাবনাও হয় না! আমরা মরলাম কি বাঁচলাম বাপ হয়ে সেটা দেখবার কি দরকার নেই!”

কুন্তিবাস বিজ বিজ করিয়া কিয়ে বলে বোকা যায় না। তাড়াতাড়ি ঘরে ঢুকিয়া পড়িয়া কলিকাটা তুলিয়া লইয়া ছাই

বেনামী বন্দর

ঝাড়িতে ঝাড়িতে সঙ্কুচিত হইয়া বলে “দেখ্ আজ আর খাবনা, পেটটা কেমন যেন ফাঁপেছে।”

“তা জানি, নাজির জ্যেষ্ঠার ওখানে থেয়ে এসেছ ত!” বলিয়া সুশীলা তাহার ঘরে গিয়া ঢোকে। খোঁড়া রুগ্ন ছেলেটাকে কোলে লইয়া ক্রুদ্ধকণ্ঠে বলে, “আমরা খাই না খাই তাতে ত তোমার দরকার নেই।”

কোন দিন বা সুশীলা বলে, “তিনকাল গিয়ে এককালে ঠেকেছে বাবা, একটু মরণের ভয় হয় না। বুড়ো হলে ত লোকের একটু ধর্ম্ কন্ম্মে মতিও হয়।”

মেয়ের এ কথা কৃত্তিবাসের সহ হয় না; হঠাৎ বলিয়া ফেলে, “তোর তাতে কি। বুড়ো হয়েছি বুড়ো হয়েছি, আমায় পরকালের কথা আমি ভাবব, তোর তার জন্তে এত মাথা ব্যথা কেন?”

“আমার মাথা ব্যথা কিছু নয় বাবা তবে তোমার আর নাজির জ্যেষ্ঠার কথা শুনে লোকে যে ছি, ছি, করে।”

“করুক! আমি কারো ধার ধারিনা” বলিয়া কৃত্তিবাস লাঠিতে ভর দিয়া দুর্বল শিরদাঁড়াটাকে কোনরকমে সোজা রাখিবার চেষ্টা করিয়া চলিয়া যায়।

জীবন-যৌবন

বয়স তিন জনেরই ষাটের কোটা পার হইয়াছে। যৌবনের উচ্ছৃঙ্খলতার তিন সাথী। কেমন করিয়া এই বন্ধু যে চল্লিশ বৎসর টিকিয়া আছে ভাবিলে বিস্ময় লাগে।

রামকমল নাজিরগিরি করিত। পয়সা কানাইয়াছিল নাকি অনেক এবং অপব্যয় করিয়াছিলও নাকি বিস্তর। স্মরণ্য কিছু রাখিতে পারে নাই। সামান্য বাহা কিছু আছে তাহাতে কোন রকমে একটি ছোট বাড়ী ভাড়া করিয়া কায়ক্লেশে চলে। কিন্তু বৈঠকখানা তাহার তবু খোলাই থাকে। সকাল বেলা গড়গড়াটি হাতে লইয়া সে সেখানে আসিয়া বসে। দেখিলে মনে হয় না যে একদিন সে যৌবনের কোন উচ্ছৃঙ্খলতাই বাকী রাখে নাই। প্রশান্ত স্নন্দর চেহারা, মাথার চুলে পাক ধরিয়াছে বটে কিন্তু দেহ তাহার যৌবনের মত সতেজ স্নন্দর। সে দেহের সৌন্দর্যের জন্ত সতর্কতারও তার অন্ত নাই।

খানিক বাদে সদানন্দ আসিয়া হাজির হয়। বয়স বোপ হয় ইহাদের মধ্যে সকলের চেয়ে অল্পই হইবে। কিন্তু বার্লুকো সেই সব চেয়ে ভাঙ্গিয়া পড়িয়াছে। লাঠি ধরিয়া উঠিয়া আসিয়া হাঁপাইতে হাঁপাইতে বলে, “হাঁফানিটা বড় বেড়েছে ভাই। কাল সারা রাত ঘুমোতে দেয় নি।”

“কে ঘুমোতে দেয়নি হাঁফানি না গিন্নি—” বলিয়া রামকমল হো হো করিয়া হাসে।

বেনামী বন্দর

সদানন্দ ভ্রুকুটি করিয়া বলে, “না ভাই তার কি আর নাগাল পাবার যো আছে।” তার পর হাত দিয়া স্ত্রীর বিপুল পরিধি দেখাইয়া হাসিবার চেষ্টায় কাশিয়া একাকার করে।

কৃতিবাস সমস্ত রাস্তা লাঠি ধরিয়া আসিয়া দরজার কাছ হইতে লাঠিটা বগলে করিয়া সোজা হইয়া ঘরে ঢুকিবার চেষ্টা করে। ফরাসের উপর বসিয়া পড়িয়া বলে—“আর একটা বিয়ে কর সদানন্দ, বুকের ও হাঁপানি টাফানি সব সেরে যাবে।”

সদানন্দ বলিচিহ্নিত লোলচর্ম মুখের অপূর্ব ভঙ্গি করিয়া বলে, “তাতে কি আর অসাধ দাদা, একটা কেন পাঁচটা দাও না”।

অত্যন্ত কুৎসিৎ একটা রসিকতা করিয়া রামকমল হাসিতে থাকে কৃতিবাস বলে “কিছু থাকে ত বার কর না ভাই, কালকের খোয়াড়ী ভাঙা যাক।”

সদানন্দ বাধা দিয়া বলে, “না না থাক ভাই, সকাল বেলা আবার কেন ? এ বয়সে অত সহ্য হবে না।”

সহ্য কৃতিবাসেরও হয় না, কিন্তু সে কথা স্বীকারের লজ্জা বড় বেশী, সেই সব চেয়ে জোরে প্রতিবাদ করিয়া বলে, “বয়স আর বয়স ! তুমি এবার মরবে সদানন্দ, বয়স বয়স করে যমকে যে রকম তলব দিচ্ছ।”

সদানন্দ লজ্জিত হইয়া পড়ে, বলে, “না না তা বলিনি তবে সকাল বেলাটা—!”

জীবন-যৌবন

রামকমল তখন সব বাহির করিয়াছে। ভিতরের দিকের দরজাটা বন্ধ করিয়া দিয়া বলে, “বড় বৌ আবার দেখতে পেলে গোল বাধাবে!”

তু’ এক পাত্র চলিবার পর মুখ সকলের খুলিয়া যায়। সদানন্দ হাঁফানীর ভয় ভুলিয়া যৌবনের কাহিনী সদর্পে বলিতে শুরু করে।

রামকমল বড়বৌএর কথা ভুলিয়া উচ্চৈশ্বরে যে সব কথা বলিতে শুরু করে প্রিয়তমা পত্নীর পক্ষে সে সকল কথা একটু শ্রুতিকটুই বটে।

বেলা ক্রমশঃ বাড়িয়া যায়। ভিতর হইতে দরজায় ঠেলা দিয়া বড়বৌ ঝঙ্কার দিয়া বলে, “দেব সব ঝুটিয়ে বিদেয় করে। মুখপোড়াদের মরণও হয় না। বন্ধু এসেছেন!”

রামকমল তখন বেপরোয়া। হাঁকিয়া বলে “সদানন্দ কুন্ডিলাস আজ এখানেই থাকে বুঝেছ বড়বৌ।”

“হ্যাঁ বুঝেছি, বুঝবনা কেন? উল্লুনের পাশ ত আজ ফেলিনি তাই।” বলিয়া রাগে গরগর করিতে করিতে বড়বৌ চলিয়া যায়।

তাহারা হাসিতে থাকে। এ তাদের নিত্য-নিয়মিত ঘটনা। রামকমল হাসিয়া বলে, “মেয়েমানুষ জাতটাই অমনি—কাঁকা আওয়াজ খালি।”

যৌবন যাহাদের গিয়াছে তাহাদের যৌবনের স্মৃতির কাহিনী

বেনামী বন্দর

তারপর আর থাকিতে চাহে না। পুরাণ কাহিনীগুলির তাহারা সানন্দে পুনরাবৃত্তি করে। দিনের পর দিন একই কথা অমনি তাহারা বলিয়া আসিয়াছে ও পরস্পর পরস্পরকে তারিফ করিয়াছে। স্মৃতিকে জাগ্রত রাখিয়াই তাহারা কোনরকমে যৌবনকে ধরিয়া রাখিতে চায়।

সদানন্দ মাঝে মাঝে একটু ব্যস্ত হইয়া ওঠে, বলে, “ঘাই ভাই। ছেলেটা আবার বড় রাগ করে!” কিন্তু তাহার যাওয়া আর ঘটিয়া ওঠে না।

অনেক রাত্রে ক্লান্তিবাস যখন বাড়ি ফেরে তখন পথ নির্জন হইয়া গিয়াছে। নিস্তরু রাস্তায় চলিতে চলিতে কোমরের ব্যাথাটা তাহার অসহ্য মনে হয়। মনে হয় পিঠটা নোয়াইয়া কুঁজে হইয়া চলিলে বোধ হয় অনেকটা আরাম পাওয়া যায়। কিন্তু একদিন নোয়াইলে আর সে পৃষ্ঠের সোজা হইবার আশা নাই জানিয়া বার্কক্যাকে অস্বীকার করিবার প্রাণপণ চেষ্টায় সে খাড়া হইয়াই চলে। মনে মনে তাহার রামকমলকে হিংসা হয়। অত্যাচার সে ত ক্রাহারও চেয়ে কম করে নাই কিন্তু তাহার দেহই বা অটুট রহিল কেন ?

জীবন-যৌবন

সুশীলার কিন্তু এক একদিন অসহ হইয়া ওঠে। শুধু তার বাবার উপর নয় সমস্ত পৃথিবীর উপর তাহার রাগ হয়। গোঁড়া কৃৎন মেয়েটার পানে চাহিয়া বিধাতাকে পর্য্যন্ত তাহার অভিশাপ দিতে ইচ্ছা করে।

রূপসী সে কম ছিল না। কিন্তু কবে যে সে রূপ তাহার দেহে শুকাইয়া নিঃশেষ হইয়া গিয়াছে আজ তাহার সন্ধান পর্য্যন্ত মেলে না। রূপের জন্ত বড়লোকের ঘরে বিবাহ হইয়াছিল কিন্তু স্বামী জীবনে তাহাকে অবহেলা লাঞ্ছনা ও মৃত্যুর পর বৈধব্য ও নিজের দূষিত রক্তের বিকলাঙ্গ উন্মাদ ছুটি সন্তান শুধু দিয়া গিয়াছে।

ছোট মেয়েটি ভাল করিয়া হাঁটিতে পারে না ছুটি পায়ের হাড়ই তাহার বাঁকা। আর রোগ ত তাহার লাগিয়াই আছে। প্রতিবেশীর ছেলেমেয়েদের সহিত সে যখন বাঁকা পায়ে গোঁড়াইতে গোঁড়াইতে খেলিতে গিয়া হাত্যাম্পদ হয় তখন সুশীলার চক্ষে নিদারুণ দুঃখে জল আসে না, আগুন বাহির হয়। ছেলেটির দেহের কোন দোষ নাই বটে কিন্তু সে একেবারে নির্কোষ, উন্মাদ বলিলেও হয়।

কয়েকদিন ধরিয়া মেয়েটির জ্বর আর ছাড়িতে চাহিতেছে না। সর্ব্বাঙ্গে ক্ষত লইয়া সে সারাদিন বস্ত্রণায় চীৎকার করে। অসহ হইলে জ্বরের উপরই তাহাকে কয়েক ঘা চড় বসাইয়া দিয়া

বেনামী বন্দর

সুশীলা বলে, “মর না, মরলে ত বাঁচি।”

কিন্তু রাগ করিবার অভিমান করিবারও উপায় নাই। কাহার উপর করিবে। আবার নিজেকেই ভুলাইতে বসিতে হয়।

সেদিন সকালে কুন্তিবাস বাহির হইবার উপক্রম করিবার আগেই সুশীলা বাধা দিয়া বলিল, “আজ কোথাও যেতে পাবে না বাবা। খুকীর জন্তে ডাক্তার একটা আনতেই হবে।”

“ও জ্বর আপনিই সেরে যাবে” বলিয়া বোঝাইবার চেষ্টা করিয়া কুন্তিবাস বাহির হইয়া যাইতেছিল হঠাৎ সুশীলা একেবারে উগ্রমুখিতে সামনে আসিয়া তীব্রকণ্ঠে বলিল “আজ তুমি কিছুতেই বেরুতে পাবে না বাবা। খুকি মরতে বসেছে! আজ একটা ডাক্তার তোমার আনতেই হবে।” তারপর নিজের বাক্স খুলিয়া শেষ অলঙ্কারটি বাহির করিয়া দিয়া বলিল, “তোমার টাকা না থাকে, এইটে বাঁধা দিয়েও নিয়ে এস, নইলে এইখানে আমি আজ আত্মহত্যা করব।”

কুন্তিবাস একটু ভয় পাইয়া গিয়াছিল। বলিল, “তা অমন পাগল্যমি করছিস কেন! আমি কি ডাক্তার আনব না বলেছি! তবে মিছামিছি—!”

চীৎকার করিয়া সুশীলা বলিল—“না মিছি মিছি নয়! আমার জীবনটাকেই তোমরা মিছিমিছি করে দিয়েছ—আজ আর শুনব না!”

জীবন-যৌবন

“আহা চেষ্টাস কেন ? বাচ্ছি ত” বলিয়া কুন্তিবাস গহনাটা তুলিয়া লইয়া বাহির হইয়া গেল।

সুশীলা অনেকবার এমন রাগিয়াছে ! কিন্তু এবার কুন্তিবাস একটু ভয় পাইয়াছিল। গহনা বাধা দিয়া টাকা লইয়া সে ডাক্তারের জন্ত বাহির হইল। রামকমলের সহিত দেখা হইবার ভয়ে সে একটু পাখ কাটাইয়াই যাইবার চেষ্টা করিতেছিল ; কিন্তু রামকমল দেখিয়া ফেলিল, ডাকিয়া বলিল, “কিহে ওদিকে আবার চলেছ কোথায় হে ?”

কুন্তিবাসকে থামিতেই হইল। বলিল “চলেছি একটু ডাক্তারের বাড়ী ভাই, নাতনিটার বড় অসুখ।”

“আজ যাবে’খন একটু বোসোনা।”

কুন্তিবাস বসিল এবং খানিকক্ষণ বসিবার পর তাহার মনে হইল মেয়েছেলের কথায় ভয় পাইয়া অত ব্যস্ত হইবার প্রয়োজন বোধ হয় নাই। সদানন্দ রামকমল তাহাকে সেই কথাই বুঝাইয়া দিল।

আরও কিছুক্ষণ আলাপের পর তাহার মনে হইল গহনা বখন বাধাই দেওয়া হইয়াছে তখন অতগুলি টাকা সুশীলাকে দেওয়া বোধ হয় উচিত নয়—সে বাজে খরচ করিবে।

এতগুলো টাকা ! শুধু একটা রুগ্ন বিকলাঙ্গ মেয়েকে দুকৌটা ওষুধ খাওয়াইয়া একটা ডাক্তার লুটিয়া লইয়া যাইবে, এ যেন সে ভাবিতে পারিতেছিল না।

বেনামী বন্দর

সদানন্দ কি একটা পুরাতন কাহিনী সবিস্তারে বলিবার চেষ্টা করিতেছিল। সেদিকে তাহার কাণ ছিল না। ফিরিয়া ফিরিয়া তাহার মন যৌবনের উচ্ছ্বল রঙীন দিনগুলির নাতিস্পষ্ট স্মৃতির পাশেই ঘুরিয়া মরিতেছিল।

হঠাৎ তাহার মাথায় একটা কল্পনা খেলিয়া গেল। রামকমলের হাত ধরিয়া বলিল, “আমাদের সেই নৌকো করে নবদ্বীপ যাবার কথা মনে আছে কমল ?—কি মজাই হয়েছিল দশদিন !”

“মনে আবার নেই—সেইবারই ত ফিরে এসে দেখি গিল্মি হাতের নোয়া খোলবার জোগাড় করেছেন।”

সদানন্দ বলিল, “প্রায় কুড়ি বছর হ’লনা ?”

“দূর। তারও বেশী” বলিয়া কুন্তিবাস বলিল, “আর একবার সেরকম করলে হয় না ?”

“করলেই হয় !” বলিয়াও অত্যন্ত হতাশ ভাবে দীর্ঘনিশ্বাস ফেলিয়া রামকমল বলিল, “তেমন কাঁচা পয়সা কি আর হাতে আছে ভাই !”

কুন্তিবাসের রোখ চাপিয়া গিয়াছিল। পকেট হইতে সমস্ত টাকাগুলি বাহির করিয়া বলিল, “কুচ পরোয়া নেই, মরি ত ফুটি করে মরব।”

রামকমল সদানন্দ, এতটা আশা করিতে পারে নাই। বলিল, “সত্যি বাবে নাকি ?”

জীবন যৌবন

মেজে চাপড়াইয়া কৃত্তিবাস বলিল, “তা নাত কি?” এবং হঠাৎ এতদিন বাদে সকলের কাছে স্বীকার করিয়া ফেলিল, “দিন ত ফুরিয়ে এসেছে দাদা, এমন সুবিধে আর হবে?”

তিন বন্ধ যৌবনের কথা শ্রবণ করিয়া মাতিয়া উঠিল।

নৌকা জোগাড় হইল। সাজ সরঞ্জাম সবই সঙ্গে লওয়া হইল। শুধু নৌকায় উঠিয়া বসিয়া একবার সদানন্দ বলিল, “তোমার নাতনির অসুখটা এমন কিছু নয়, কি বল?”

কৃত্তিবাস হাত দিয়া সে কথাটাকে যেন একেবারে ঠেলিয়া দিয়া বলিল, “তাহলে বলি শোন ভাই, ও গাঁড়া মেয়ে বেঁচে থাকলে অশেষ দুর্দশা! আগিত বলি তার চেয়ে এই বয়সে মরে যায় সেই ভাল,—ছনিয়ার কষ্টভোগ আর করতে হবে না!”

সদানন্দ কিছু বলিতে পারিল না—ছুই হাতে বুক চাপিয়া পরিয়া সে তখন হাঁপানি কাশির বেগ সামলাইতেছে।

কোমরটা অত্যন্ত কন্ কন্ করিতেছিল বলিয়া কৃত্তিবাস একটু সরিয়া ছইএ ভাল করিয়া ঠেসান দিয়া বসিল।

এই বন্দ—

এই দ্বন্দ—

বুদ্ধি শুদ্ধি তাহার কোন কালেই ছিল না।

ছেলেবেলা নাকি ইউ কেন জলে ভাসে না বলিয়াই একদিন তুমুল আন্দোলন করিয়াছিল। ছুংথের বিয়র এতবড় বৈজ্ঞানিক অন্তসন্ধিসা দেখিয়াও কেহ তাহাকে ভবিষ্যৎ নিউটন বলিয়া মনে করিতে পারে নাই।

তাহার স্বাভাবিক বুদ্ধিহীনতা সম্বন্ধে এমন আরো অনেক কাহিনীই প্রচলিত আছে। পোষ্টকার্ড কিনিতে গিয়া কবে সে ডাক-বাল্লে পরমা ফেলিয়া দিয়া আনিয়াছিল একথা লইয়া তাহার ভাই বোনেরা সেদিন পর্য্যন্ত তাহাকে ফেপাইয়াছে।

এই পতিত পাবন বড় হইল। সমবয়সীদের উপহাস, আত্মীয়-গণের কৰুণামিশ্রিত অবজ্ঞা, সমস্ত সহ করিয়াও পতিতপাবন স্নৃহ সবল দীৰ্ঘ দেহ লইয়া বাড়িয়া উঠিল।

বুদ্ধিহীন! তথাপি পতিতপাবন বোকে, কোথায় সাধারণ

বেনামী বন্দর

মানুষ হইতে সে একটু তফাৎ। এই পৃথিবীকে তাহারা যেমন করিয়া দেখে যেমন করিয়া উপভোগ করে ঠিক তেমনি সে পারে না।

তাহার মনের চারিধারে কালো অস্পষ্টতার পর্দা কে যেন টাঙ্গাইয়া রাখিয়াছে ; তাহার ভিতর দিয়া সবই তাহার কাছে ঘোলাটে হইয়া দেখা দেয়। এইটুকু পতিত পাবন বোঝে এবং তাই চুপ করিয়া থাকে। পতিতপাবনের নিবুদ্ধিতা অশোভন আচরণে নিজেকে কুৎসিত করিয়া তোলে না।

পতিত পাবনের বয়স হইয়াছে,—বিবাহের বয়স !

তাহার মাতা চিন্তিতা হইয়া উঠিয়াছেন। পিতা সেকথা পাড়িলে কিন্তু বিরক্ত হইয়া বলেন “তোমার ও হাবা ছেলের সঙ্গে কে মেয়ের বিয়ে দেবে ? কার অমন দায় পড়েছে !”

কথাগুলি মায়ের বুকের ভিতর পর্য্যন্ত গিয়া বেঁধে। মুখে তিনি হাসিয়া বলেন, “তোমার অমনি কথা ! হাবা কিসের ! সত্যি হাবা ত আর নয়, একটু না হয় বোকা !”

পিতা কিছু না বলিয়া চলিয়া যান। গোপনে গোপনে ঘটক নিযুক্তও করেন।

এই দ্বন্দ—

সতাই পতিত পাবন হাবা নয়। এ সব কথা তাহার ও কাণে যায়। সাধারণ হইতে পৃথক বলিয়া সাধারণের মত হইবার কামনা তাহার সর্বাপেক্ষা বেশী। তাহার মন কোন অস্পষ্ট স্বপ্নে বিভোর হইয়া যায়।

তাহার পর পতিত পাবনের বিবাহ হইল।

এবং পতিত পাবনের বৌ দেখিয়া পাড়ার লোক আশ্চর্য্য হইয়া গেল। পাশের বাড়ির বামুন দিদি ত নাতিমুছ কণ্ঠে শুনাইয়াই গেল ‘বান্দরের গলায় মুক্তার মালা’

মুক্তামালা !

মুক্তামালা বলিলেই বুঝি সেই পরম বিস্ময়কর রূপের কিছু অভাষ দেওয়া যায়। তেমনি নিক্ত লাবণ্য এই মেয়েটির সর্বাস্থ ঘিরিয়া আছে। সে মুক্তামালা কোথায় সর্বাপেক্ষা ভাল মানাইত গবেষণা করিয়া বলা কঠিন হইলেও পতিতপাবনের পাশে যে মানায় নাই—একথা সহজেই বলা যায়।

নাম তাহার পরী ! এবং যে নাম রাখিয়াছিল ভবিষ্যৎ দৃষ্টি তাহার বোধহয় ছিল। এ হেন পরীর পতিতপাবনের সহিত কেন

বেনামী বন্দর

বিবাহ হইল তাহার কারণ নির্ণয় করা দুৰূহ নয়। পরী পৃথিবীতে রূপ লইয়া আসিয়াছিল কিন্তু ভাগ্য লইয়া আসিতে পারে নাই। চারিটি কত্তা ও একটি ছেলের পর দরিদ্র প্রেসের কম্পোজিটারের ঘরে পরী যেদিন আসিয়াছিল সেদিন তাহার রূপের সম্ভাবনা দেখিয়াও কেহ প্রশংসা হয় নাই। কাহাকেও প্রশংসা করিতে পারে নাই সে কথা পরী বুঝি তখন হইতেই জানিত। তাহার মুখের সুদূর গাম্ভীৰ্য্য ছেলেবেলা হইতেই মানুষকে বিস্মিত করিয়াছে।

প্রথম ফুলশয্যার রাত্রি !

আড়ি বাহারা পাতিতে আসিয়াছিল, একটি কথাও শুনিতে না পাইয়া অবশেষে ক্লান্ত হইয়া তাহারা চলিয়া গেল।

পরী বিছানার একধারে পাশ কিরিয়া শুইয়াছিল। ঘরের ভিতর অন্ধকার। তাহার মুখ দেখিবার উপায় ছিল না। থাকিলে বোধহয় দেখা যাইত সে মুখে আনন্দ আশা বা ভয় কিছুই আভাস নাই। এই সমস্তগুলিই কিন্তু একত্র হইয়াছিল পতিতপাবনের মুখে।

অনেকক্ষণ ভয়ে দ্বিধায় সঙ্কোচে কাটাইয়া পতিতপাবন হঠাৎ সরিয়া গিয়া পরীর ডানহাতটা ধরিয়া ফেলিল, কিন্তু প্রথম

এই দ্বন্দ—

প্রিয়া সম্ভাষণের কোন কথা সে খুঁজিয়া পাইল না। তাহার বুকের ভিতর আনন্দ আবেগের যে আলোড়ন উঠিয়াছিল মুখের ভাষায় তাহাকে প্রকাশ সে করিতে পারিল না।

অবশেষে নিরুপায় হইয়াই বলিল “অন্ধকারে তোমার ভ্রম করছে, আলো জ্বলব?”

পরী কথা কহিল না, নড়িল না; শুধু বাঁহাত দিয়া পতিতের হাতটা সরাইয়া দিল।

এবার পতিতের মনে হইল পরী বুঝি লজ্জা করিতেছে এবং সে লজ্জা ভাঙ্গিবার জন্য একটু জোর করা প্রয়োজন।

সে পরীর ডান হাতটা আবার ধরিয়া ফেলিয়া একটু জোরে টান দিয়া বলিল, “কেউত আর দেখছে না, এসই না কাছে।”

টানটা একটু বেশী জোরে হইয়া গিয়াছিল—পরী হাতে একটু ব্যথাও পাইয়াছিল। বেদনাসূচক শব্দ করিয়া সে সজোরে হাতটা ছাড়াইয়া লইল।

ভীত চকিত হইয়া উঠিয়া বসিয়া পতিত কাতর ভাবে জিজ্ঞাসা করিল “তোমার লেগেছে?”

পরী এবার কথা কহিল, লজ্জাজড়িত মুখ অশ্রুট কণ্ঠে নয়, স্পষ্ট সহজ স্বরে বলিল, ‘না, তুমি ঘুমোও’ তাহার পর পতিত কিছু ভাবিতে আরম্ভ করিবার পূর্বেই আবার বলিল “আমায় বিরক্ত করলে আমি দরজা খুলে বাইরে বেরিয়ে যাব।”

বেনামী বন্দর

পতিত বিরক্ত করিতে সাহস করিল না। বিছানার একপাশে শুইয়া পড়িয়া প্রিয়ার সহিত আলাপ করার ছুরুছ কাজটিতে কোথায় ত্রুটি হইয়া গেল তাহাই ভাবিতে ভাবিতে ঘুমাইয়া পড়িল।

যখন ঘুম ভাঙ্গিল তখন বেশ আলো হইয়া গিয়াছে! আগের দিনের বিবাহ বাড়ির কর্মকর্তাস্ত লোকজন কেহ উঠে নাই কিন্তু বাহিরে উচ্ছিষ্ট পাতা গেলাস বাটী লইয়া কাক কুকুরের কোলাহল বাড়িয়া গিয়াছে।

ঠাৎ চমকিয়া পতিতপাবন দেখিল পরী ঘরের বিছানায় নাই।

ঘরের দরজা খোলা। তাহা ঠেলিয়া বাহিরে যাইতেই দেখা গেল ঘরের বাহিরে দালানের একপাশে শুধু মাটির উপর শুইয়াই পরী ঘুমাইয়া পড়িয়াছে। নিদ্রার ভিতর তাহার মুখের সে সুন্দর গাভীর্য্য সরিয়া গিয়াছে। সেখানে একটি কোমল অসহায় কাতরতা। পতিতের ইচ্ছা করিল সেই পরম সুন্দর দেহস্থানি সম্বন্ধে বুকের কাছে তুলিয়া লইয়া বিছানায় শোয়াইয়া দিয়া আসে।

এই দ্বন্দ—

ফুলশয্যার রাত্রি তাহাদের এমনি করিয়াই কাটিল।

বৌ-এর সবই ভাল।

বৌ শুধু মুখ বুজিয়া থাকে। আপত্তি তাহার কিছুতে নাই, অবাধ্যতাও নয়। বাহা আদেশ হয় নীরবে পালন করিবার চেষ্টা করিয়া যায়। কিন্তু ঘোমটার ভিতর তাহার মুখ কেহ বড় দেখিতে পায় না, সে মুখের শব্দ শুনিতে ত নয়ই।

শ্বাশুড়ি বলেন “ও আবার কি কথা বোমা আমার সামনে তোমার ননদদের সামনে আবার অত খানি ঘোমটা কিসের?”

একটি ননদের মুখের ধার একটু বেশী। এতদিন এ বাড়ীতে সুন্দরী বলিয়া প্রশংসাটা তাহার একচেটিয়া ছিল, সম্প্রতি নতুনবো আসাতে সেটা হাতছাড়া হইয়া গিয়াছে। আক্রোশ ও হয়ত তার তাই—

সে মুখ ঝামটা দিয়া বলে, “এ বাড়ির আলো বাতাস লাগলে রঙ তোমার ময়লা হয়ে যাবে নাগো সুন্দরী। একটু মুখ খোলো। আর তুমি বোবা নাকি একটা কথা ত এ মুখের শুনতে পেলাম না এ পর্য্যন্ত!”

মুখে বাহাই বলুন অন্তরে এই সুন্দরী মেয়েটিকে শ্বাশুড়ি না ভাল বাসিয়া থাকিতে পারেন নাই। কটুভাষিনী কস্তুর বাক্য-বিষ কাটাইয়া দিবার জন্ত তাড়াতাড়ি বলিয়া ওঠেন, “লজ্জা সরম ভাল বই কি মা, ভাল! কিন্তু তুমি আমার ঘরের মেয়ের মত

বেনামী বন্দর

হাসবে খেলবে, তাই দেখে না আমার আত্মদা! তুমি মুখটি বুজে চুপ করে থাকলে আমার দুঃখ হয় না।”

তারপর তঁরা একটা কথা মনে পড়িয়া যাওয়ায় বলেন, “তোমার কি বাপের বাড়ির জন্তে মন কেমন করছে বোমা?”

মাথা নাড়িয়া পরী জানায় ‘না’

শাশুড়ি খুসী হইয়া বলেন, “মন কেমন করবে কেন মা! এ তোমার বাড়ী তোমার ঘর! এ সব পেয়ে আর কি মন কেমন করে! আমাদের বিয়ে হয়েছিল না ওই অতটুকু বেলায়!” বলিয়া তাঁহার কনিষ্ঠা সাত বৎসরের কন্যাকে দেখাইয়া দিয়া আবার শুরু করেন, “তখন কি কিছু বুঝতুম! বিয়ে ত বিয়ে! বিয়ের রাতে ভারী মজা। লুকিয়ে লুকিয়ে ঠাকুমা সন্দেশ খাইয়ে দিয়ে বলেছিল ‘এ সব যে রান্না বান্না হচ্ছে কাল খাবি।’ আলো বাজনা লোকজনের ভেতর তাই নিয়েই খুসী আছি! ওমা, তারপর দিন যেই বলে গাড়ীতে উঠে বরের সঙ্গে যেতে হবে—আর কোথায় আছে। একেবারে চেলির কাপড় চোপড় গয়না পত্র সমেত ছুটে গিয়ে ঠাকুমার পূজোর ঘরে। তারাও ছাড়বে না আমিও ঠাকুমার কাপড় ছাড়ব না। সেই সঙ্গে চীৎকার করে কান্না ‘ওগো ঠাকুমা আমি তোমায় ছেড়ে কোথাও যাব না।’ ঠাকুমাত খানিক টানাহেঁচড়ার পর কিছুতে যখন আমায় ছাড়তে পারলেন না, তখন একবার ভয়ে

এই দ্বন্দ—

ভয়ে বলেন, ‘ই্যাঁগা এখন না হয় না নিয়ে গেলে হয় না ! পরে না হয় ভুলিয়ে ভালিয়ে পাঠিয়ে দেওয়া যাবে।’ বাবা ধমক দিয়ে বলেন, ‘ই্যাঁ তোমার যেমন কথা,—বিয়ের কনে, না নিয়ে গেলে হয় না !’ সেই শেষে জোর করে নিয়ে গেল। সারা পথ ত পালকীর ভেতর রাগে দুঃখে ফোঁপাতে ফোঁপাতে গেলুম।

একবারটা তোমার স্বপ্নের,” এই পর্য্যন্ত বলিয়াই হাসিয়া কুটি পাটি হইয়া অনেক কষ্টে হাসির ভিতর তিনি শেখটুকু বলেন। “তোমার স্বপ্নের একবারটি যেই ঠাট্টা করে ঘোমটাটা সরিয়ে দেওয়া অনর্নি বড়ো আঙ্গুলটা পরে সজোরে কানড়ে—সে একেবারে রক্তারক্তি কাণ্ড। তোমার স্বপ্নেরই বা আর তখন কত বড় ; কেঁদে ককিয়ে অস্থির। পান্থী থানিয়ে, সবাই এল ছুটে—”

বাধা দিয়া স্বাশুড়ির কটুভাবিণী কহা বলে, “এ গল্প মা তুমি কম পক্ষে হাজারবার আনাদের কাছে করেছ ! শুনে কাণ পচে গেছে।”

স্বাশুড়ি অপ্রস্তুত হইয়া বলেন, “আহা তোরা না হয় শুনেছিস ! বোমা ত আর শোনে নি।”

কিন্তু এত আদর, স্নেহ, মমতা কিছুতেই সে তুষারশিলা গলে না।

পরীর মুখের ঘোমটাও ওঠে না, কথাও ফোটে না।

বেনামী বন্দর

পতিতপাবন বুদ্ধিমান বন্ধুদের কাছে শিগিয়া পড়িয়া ভূমিকায়
ছুরন্ত হইয়া রাত্রে শয়ন কক্ষে প্রবেশ করে।

পরী বিছানায় জাগিয়াই চুপ করিয়া শুইয়া থাকে, বাড় পর্য্যন্ত
ফিয়ার না।

ঘরের কোণ হইতে প্রদীপটি তুলিয়া লইয়া পতিত পাবন তাহার
মুখের কাছে ধরিয়া বলে, “বাঃ আজ তোমাকে চমৎকার
দেখাচ্ছে।”

চোখে আলোক লাগিতে পরী নীরবে চোখ খুলিয়া চায়।
সামান্য একটু বিষয় ছাড়া সে অপরূপ সুন্দর চোখে আর কিছুই
নাই।

বন্ধুরা বলিয়া দিয়াছিল এই উক্তির পর ‘যাঃ’ বা ‘দেং’
বলিবামাত্র স্ত্রীকে “নাঃ সত্যি বলছি” বলিয়া জড়াইয়া ধরিয়া
চুষন করিতে।

কিন্তু পরী ‘যাঃ’ বা ‘দেং’ কিছুই বলেনা। বিস্মিত ভাবে পতিত
পাবনের দিকে চাহিয়া বলে, “আলোটা নামিয়ে রাখ।”

সে দৃষ্টির সামনে পতিত কেমন যেন ভড়কাইয়া যায়।

এই দ্বন্দ—

কম্পিত হাতের প্রদীপ হইতে খানিকটা তেল বিছানার উপরই পড়িয়া যায়।

“চাদরটা নষ্ট হয়ে যাচ্ছে”—নির্লিপ্ত ভাবে পরী জানাইয়া দেয়।

“না এই যে রাখি” বলিয়া আরো খানিকটা তেল চাদরে ফেলিয়া পতিত প্রদীপ নামাইয়া রাখে।

তাহার পর ক্রি করিতে হইবে কিছুই ভাবিয়া পায় না। রাগ হয় শুধু তাহার নিজের উপর। তাহারই নিজের দোষে এই মেয়েটির মনের রুদ্ধ দ্বার সে খুলিতে পারিতেছেন। এমনি একটা অস্পষ্ট ধারণা তাহাকে পীড়া দিতে থাকে! এই মেয়েটির প্রীতির জন্ত অন্তরের প্রেরণায় বাহ্য কিছু সে করিতে যায় তাহাই হয়ত বাহিরে এমন অশোভন কদাকার দেখায় যে নারীর মন বিমুগ্ধ না হইয়া পারে না।

অনেকক্ষণ বাদে প্রদীপ নিভাইয়া বিছানায় আসিয়া পতিত শুইয়া পড়ে। অন্ধকারে সন্তুর্পণে বিছানায় হাতড়াইতে হাতড়াইতে পরীর অঞ্চলের একটি প্রান্ত তাহার হাতে ঠেকে। লুপ্ত হাত আরো অগ্রসর হইয়া একটু স্পর্শ করিতে চায়। কিন্তু পতিত অনেকক্ষণ ধরিয়া ভাবিয়া নিরস্ত হয়।

শুধু সেই অঞ্চল প্রান্তটি মুঠির মধ্যে চাপিয়া সে ঘুমাইয়া পড়ে।

বেনামী বন্দর

বন্ধুরা বলে, “তুই একেবারে মেনি মুখো ! নইলে বৌ আবার কার ছমাসে কথা কয়না, গা ছুঁতে দেয়না !”

আরো বলে,—“মেয়েরা অমন মেনীমুখো পুরুষ পছন্দ করেনা। তাদের লজ্জা তুই জোর করে ভাঙবি, না তুই মরছিস লজ্জায় ! জোর জবরদস্তি তারা চায় তা জানিস্।” .

নারীয়া প্রণয়লাভবিজ্ঞায় এসব কৌশলের স্থান হয়ত আছে। কিন্তু পতিভের তাহা কাজে লাগেনা।

পরীক্ষা করিয়া দেখিবার জন্ত সে আড়ালে পাইয়া একবার পরীর আঁচলটা টানিয়া কাঁধ হইতে নামাইয়া দিয়া যায়। দূরে গিয়া অনেক আশায় ফিরিয়া দেখে—পরী হয়ত হাসিয়া ফেলিয়াছে, রাগের ভাণ ও করিতে পারে।

কিন্তু পরীকে দেখা যায় না। আঁচলটা আবার কাঁধে তুলিয়া দিয়া সে নিজের কাজে তখন চলিয়া গিয়াছে।

আর এক সময় ঘরের ভিতর সে পিছন হইতে গিয়া পরীর চোখ টিপিয়া ধরে।

এবার পরী প্রথম চমকাইয়া ওঠে, তাহার পর গম্ভীর স্বরে বলে,, “চোখ ছেড়ে দাও, দেখতে পাচ্ছি না।”

এতদিনে একটা শেখা পাণ্টা জবাব প্রয়োগ করিবার সুযোগ পতিত পায়,—

এই দ্বন্দ—

“তুমি এ কালোমুখ নাই দেখলে আনিত সুন্দর মুখটা দেখতে পাচ্ছি।” বলিয়া কাঁধ দুইটি পরিয়া পরীকে তাহার দিকে ফিরাইয়া দেয়। কিন্তু মনে মনে সে বৃষ্টিতে পারে যেমন করিয়া চোখ টিপিলে, যেমন করিয়া কথা বলিলে ভাল দেখাইত ও মানাইত তাহা সে পারে নাই। কেমন যেন বিসদৃশ হইয়া গিয়াছে। তাহার সব কাজ এমনই হইয়া যায়। সহজ ভাবে হাসিতে গিয়া সে বৃষ্টিতে পারে মুখ তাহার সন্মোচে অস্বস্তিতে কদাকার হইয়া উঠিতেছে। এবার তবু সে ছাড়ে না।

পরী আর একবার গম্ভীর স্বরে বলে, ‘ছেড়ে দাও,’

হঠাৎ চরম হতাশায় পতিত মরিয়া হইয়া উঠে, সবলে পরীকে বৃকের ভিতর আকর্ষণ করিয়া বলে “না ছাড়বনা, আমায় কি একটু আদর করতেও নেই!”

পরী ছাড়াইবার জন্ত জোর করে, কিন্তু: পারেনা। পতিত জোর করিয়া তাহাকে বৃকের ভিতর টানিয়া লইয়া উন্মত্ত আবেগে তাহার মুখ চুষন করে।

পরী যেন ক্ষেপিয়া যায়।

অকস্মাৎ আঁচড়াইয়া কামড়াইয়া গালে চড় মারিয়া সে পতিতকে অস্থির করিয়া দেয় এবং বিমূঢ় পতিতের বাহু বন্ধন শিথিল হইবামাত্র প্রচণ্ড ঠেলায় তাহাকে একেবারে দেয়ালের কোণে ফেলিয়া দেয়।

বেনামী বন্দর

কাঞ্চন সেই পথ দিয়াই বুঝি বাইতেছিল, ঘরের দরজায় থমকিয়া দাঁড়াইয়া পড়িয়া বলে, “ওকি হচ্ছে বৌদি !” তারপর “ওমা দাদা তোমার মাথা দিয়ে যে রক্ত পড়ছে—ওমা কি খুণে বৌগো।” বলিয়া চীৎকার করিয়া শুধু মাকে নয় পাড়াগুচ্ছ লোককেই বোধ হয় ডাকিতে যায়।

প্রথমটা পতিত বুঝিতে পারে না, কোথা হইতে কি এ হইয়া গেল। বুঝি তাহার এবার কিন্তু অত্যন্ত তাড়াতাড়িই খুলিয়া যায়। তাড়াতাড়ি উঠিয়া পড়িয়া সে কাঞ্চনের পিছু পিছু গিয়া ধরিয়া ফেলিয়া বলে, “চোঁচাচ্ছি কেন ! মা উঠে পড়বে যে,”

“মাকে ওঠাবার জন্তেই ত চোঁচাচ্ছি,”

ছপুর বেলা বাড়ির গৃহিণী একটু নিদ্রা দিতেছিলেন ! উঠিয়া পড়িয়া বলেন, “কি হয়েছে তোদের ; অমন ডাকাতপড়া চীৎকার করছিস কেন ?”

চীৎকারের কারণ জানাইতে কাঞ্চনের দেৱী হয় না, “বৌদি যে দাদাকে খুণ করে ফেলল মা, দেখ মাথাথেকে রক্ত।”

শিহরিয়া শশব্যস্ত হইয়া উঠিয়া পড়িয়া মা বলেন, “ওমা সত্যি রক্ত যে, কি হল বাবা !”

পতিত তাড়াতাড়ি বলে, “পাগল নাকি মা, ঘরে ঢুকতে চৌকাটে হোঁচট খেয়ে পড়ে গেলুম। বড্ড রক্ত বেরুচ্ছে নাকি ? মাগীর একটা শ্যাকড়া দিয়ে বেঁধে দাও ত।”

এই দ্বন্দ—

চোখ কপালে তুলিয়া কাঞ্চন বলে, “দাদা তুমি এমনি করে বৌএর দোষ ঢাকছ, কিন্তু তোমার মুখে ও নথের আঁচড়ের দাগ গুলো ঢাকবে কি করে শুনি।”

আজ সে অসাধ্য সাধন করিয়াছে, কিন্তু বুদ্ধি আর তাহার আসে না! তাড়াতাড়ি “কোথায় নথের দাগ!” বলিয়া সে সেখান হইতে সরিয়া পড়ে।

ঘরে আর একটি পাবাণের মত নিশ্চল মেয়ের মুখ ঘোমটার ভিতর হইতে দেখা যায় না। দেখিতে পাইলে জানা যাইত বহুদিন বাদে পাবাণ শিলা গলিয়াছে;—গলিয়াছে অকারণ অবারণ অশ্রুজলে।

শাশুড়ি কি ভাবিয়া বলা যায় না, বলেন, “অনেক দিন বাপের বাড়ী যাওনি মা, হয়ত মন কেমন করছে, এবার কদিন ঘুরে এসো।”

পরী বাপের বাড়ী যায়।

বাপের বাড়ী বেশীদূর নয়।

একাগ ওকাগ হইয়া কথাটা পরীর মায়ের কাণেও পৌঁছায়।

মেয়েকে ডাকিয়া অগ্নিমূর্তি হইয়া তিনি বলেন, “হতভাগী কি

বেনামী বন্দর

করে এসেছ সেখানে ! আমাদের মুখ পুড়িয়ে দিয়ে এসেছ ত ?”

পরী মৌন হইয়াই থাকে ।

ছুঃখের সংসারের যতব্যথা যত ছুঃখ যত রাগ সঞ্চিত হইয়াছিল, মা এই মেয়েকে ভৎসনার ছলে সমস্ত বাহির করিয়া দিয়া অবশেষে বলেন, ‘মর না, গলায় দড়ি দিয়ে মরলেও য়ে আমাদের জালা জুড়ায় ।”

সুগৌর স্ঠাম একটি বছর পাঁচিশের ছেলে ঘরে ঢুকিবার দরজায় একদিকে হেলান দিয়া আর একদিকে পা তুলিয়া দিয়া ঘাড় বাঁকাইয়া নির্লিপ্তভাবে বক্তৃতার সুরে বলে, “তোমাদের বাড়ী তন্ন তন্নকরে খুঁজে দেখেছি মাসিমা, গলায় দড়ি দেবার জায়গা এখানে একটিও নেই। কড়িকাঠগুলো অত্যন্ত হাল্কা, তাতে ফুটো করে দড়ি টাঙ্গিয়ে বুলে পড়লে শুধু আত্মহত্যা নয় নরহত্যার পাতকও হবে, কারণ কড়িকাঠের সঙ্গে ছাদ শুদ্ধ পড়ে বাড়ীর সকলের মরার সম্ভাবনা আছে। সুতরাং আত্মহত্যা করতে হলে আমার মতে এবাড়িতে অন্ত কোন উপায়েই ভালো। যথা—”

তাহার বক্তৃতায় বাধা দিয়া পরীর মা লজ্জিত সঙ্কুচিত হইয়া বলেন “তুই কখন এলি শরৎ, দেখতে পাইনি ত !”

“না পাবারই কথা, তুমি তখন সন্তুষ্কুরালয়ফেরত পরীকে অভ্যর্থনা সমিতির অভিভাষণ শোনাচ্ছিলে !”

এই দ্বন্দ—

“না বাবা, মেয়েছেলেকে মাঝে মাঝে একটু আধটু বকে শিক্ষা দিতে হয় বই কি। এখনই ত শেখবার সময়।”

“কিন্তু আত্মহত্যা শেখাবার এটা প্রশস্ত সময় বলে কোথাও পড়িনি।”

পরীর মা হাসিয়া বলিলেন, “বাবা তোমার সঙ্গে কথায় কে পারবে!”

পরী ইতি মধ্যে অন্ধ ঘরে চলিয়া গিয়াছিল।

‘তা সত্যিকথা মাসিমা,’ হঠাৎ বসিয়া পড়িয়া শরৎ বলিল “পরী কোথায় গেল? শ্বশুর বাড়ি কেমন লাগল বলবে না?”

তাহার পর মাসিমার উত্তর দিবার পূর্বেই ভিতরে ঢুকিয়া গেল।

টিনের ঘর হইলেও আয়তনে বড়। মেঝের একপাশে বসিয়া পরীর দিদি কাঁথা বুনিতেছিলেন তাহারই একপাশে পরী নীরবে বসিয়াছিল।

দিদি দেখিতে পাইয়া বলিলেন “এস শরৎ!”

পরী হঠাৎ উঠিয়া যাইতেছিল, শরৎ হাঁকিয়া বলিল, “ধরে ফেলুন দিদি, শ্বশুর বাড়ির গল্প বলবার ভয়ে পালিয়ে যাচ্ছে।”

দিদি হাসিয়া ধরিয়া ফেলিয়া বলিলেন, “তোমারও আচ্ছা আদ্যার ত দেখি! বড় ভাইএর কাছে কেউ শ্বশুর বাড়ির গল্প বলে নাকি!”

“বেশত সব না বলুক, শ্বশুরের কত বড় ভুঁড়ি, শ্বাণ্ডি নখের

বেনামী বন্দর

কাঁক দিয়ে খায় কিনা, বরের পেটে কিল মারলে ক বেরোয় কিনা—এসব ত বলতে পারে।”

“দূর মুখখু কোথাকার, ওর বরকে নিয়ে ঠাট্টা করতে পার। কিন্তু ওর শশুর শাশুড়ি হল তোমার গুরুজন, তাদের নিয়ে কি তুগি ঠাট্টা করতে পার?”

পরী কিন্তু তখন উঠিয়া গিয়াছে।

চমৎকার ছেলে শরৎ!

বিধাতা গণিয়া গণিয়া বুঝি সবকটি আশীর্বাদই করিয়াছিলেন।^৮

স্বাস্থ্য-শক্তি, রূপ, অর্থ, বুদ্ধি,—কি তাহার নাই।

একেবারে পর হইয়াও মানুষের সহিত মিশিয়া বাইবার, আত্মীয় হইবার, অপরূপ কৌশলটি সকলের আয়ত্ত নয়। কিন্তু পর হইয়াও এই বাড়ীর সকলের হৃদয়ে সে যে পথে প্রবেশ করিয়াছিল তাহাকে সকল সময়ে ঠিক সরল বুঝি বলা চলে না।

সবই তাহার হয়ত ছিল, কিন্তু জীবনের আনন্দও সৌভাগ্যের মূল্য দিতে শুধু স শেষে নাই।

গোপনে দেখা করিবার সুবিধা শেষ পর্য্যন্ত শরৎ করিয়া লইলই।

রান্নাঘরে বসিয়া জটলা হইতেছিল। এক প্রান্তে শরতের নিকট হইতে মুখ আড়াল করিয়া পরী নীরবে বসিয়াছিল।

মাএর রাগ বুঝি তখনও একেবারে যায় নাই, হঠাৎ ভৎসনা

এই দ্বন্দ—

করিয়া বলিলেন, “শুধু বসে বসে হাঁ করে গল্প শুনলেই হবে, সুপরিগুলো এনে কুচিয়ে ফেলে হ’তনা।”

পরী কোন কথা না বলিয়াই উঠিয়া চলিয়া গেল—

বাতিটা তুলিয়া লইয়া তাড়াতাড়ি উঠিয়া পড়িয়া শরৎ বলিল “রাগের মাথায় অন্ধকারে সুপরি আনতে আবার আলু এনে ফেলবে, মাই বাতিটা ধরি।”

তাহার অপকৃপ ভঙ্গি দেখিয়া সৰ্ব্বলে হাসিয়া উঠিলেন। দিদি বলিলেন, “শরৎ বাপু সেই ছেলেবেলা থেকে পরীকে বড্ড চোপায়।”

ঘবের ভিতর গিয়া শরতের কিম্ব ভঙ্গি ও স্বর চঠাৎ বদলাইয়া গেল।

এক কোণে পাইয়া পরীর হাতটা ধরিয়া ফেলিয়া গাঢ়স্বরে বলিল, “সব কি শ্বশুর বাড়ি গিয়ে ভুলে গেলে পরী।”

“তুমি কেন আমার পিছু পিছু এলে, ওরা কি ভাববে বলত।” পরী হাতটা ধীরে ধীরে ছাড়াইয়া লইল।

“ওরা কিছু ভাববে না—তুমি আমার কথার জবাব দাও।”

পরী ঔদাসীন্তের স্বরে বলিল, “ভুলব কেন! এতদিনের জানা শোনা ভুলব কেন! মানুষ কি এমন ভুলতে পারে নাকি?”

“কথা কাটাবার চেষ্টা কোরো না পরী তুমি জান আমি কি জিজ্ঞাসা করছি।”

বেনামী বন্দর

“আমি জানি না। কিন্তু এখন সরো মা ভাববে সুপরি নিতে এত দেরী হচ্ছে কেন?”

হঠাৎ স্বর বদলাইয়া উচ্চ কণ্ঠে শরৎ বলিল, “দেখলে মাসিমা, তোমার গুণধর মেয়ে সব সুপরি গুলি ফেলে দিলেন; সব গেছে মেঝেতে ছড়িয়ে। শব্দর বাড়ি গিয়ে কন্সিষ্ট হয়েছে কিনা!”

মা সেখান হইতে ভংসনা করিতে লাগিলেন। পরী বিরক্ত হইয়া বলিল “সুপরি ত পড়েনি!”

গম্ভীর ভাবে শরৎ বলিল, “না পড়ুক খানিকক্ষণ আমরা কুড়োবার সময় ত পাব। তাহার পর হঠাৎ পরীর কণ্ঠদেশ বেষ্টন ঝাঁপিয়া বলিল, “অনেক অভিমান হয়েছে পাগলী! আর থাক!”

পরী সরিয়া গেলনা, ক্ষিপ্ত হইয়া আঁচড়াইয়া কামড়াইয়া একাকার করিল না। হঠাৎ কাঁদিয়া ফেলিয়া বলিল, “তুমি আমার স্বামীর চেয়ে কত নীচ কাপুরুষ জানো? তবু প্রাণপণ চেষ্টা করেও তাকে আমি ভাল বাসতে পারছি না।”

বিজয়ের হাসি হাসিয়া পরীকে বুকের ভিতর টানিয়া শরৎ বলিল, “তাহোক, মেয়েদের স্বভাবই ওই।”

অসীম ঘৃণা ও অদম্য প্রেম মনের মধ্যে এমন করিয়া জট পাকাইয়া কেমন করিয়া থাকিতে পারে পরী বোধ হয় তাহাই ভাবিতে ছিল।

